

周
易
疏
義

易經疏義序

志初先生潛心易學其所著
宗義旣已出入蒼淵星日為
昭矣學士家習之以為自有
易來至先生而始集大成云

余向綴數語末簡則先生之
嚴命也今來承乏鳩署其子
聖先氏復出先生所手一編依
本義而略加數字為之系列珠
聯今學者讀而怡然理煩渙然

冰釋也命之曰疏義汝命予叙
之夫易因四聖聞繹以後注疏
家得程子而始一稟於正朱子
本義悉宗之嗟今之讀本義
者幾不知有程傳矣冰不本源

吾於朱子不能無感也乃先生
博稽迭考旁搜實探其採擷
鉤索有朱子所未及者而不敢
忘朱子也一則曰宗義即本義
而宗之若世嫡庶再則曰疏義即

本義而疏之若導水然周子曰
發聖人之蘊教萬古無窮者顏
子也然則發朱子之蘊教萬世無
窮者非先生乎先生蒞臺邑幾五
載德政所通每有天瑞歲已巳

而瓶中之梅結五子中秋而盆
梅悉開視桃花亦爛矣先生嘗
命予賦之迨丙午而邑內河水清
數十里可燭鬚眉舟枕山楫每及
夜煌若火燭天至塲中得不肯

吳卷先生每對人言以為得人之幸而不知春秋作而獲麟之端則先生書成之端也嗟夫天之未喪斯文也是不肖笑之得與於斯文者也先生以治行

高奇僅得南北部秩滿出守
僅得袁州國不為先生惜而
先生忻然就道略無芥蒂甫
兩月而易美唯命其子齡年莫
清白家聲而已如此而生如

此而死非得於易者深乎昔朱
子以己之祿命爲官多祿少至
後歆上疏言時事並得遂而止
乃先生之往運而往有超然達
物之表者豈抱箸以問而爲此

拘者乎藉使朱子而在後先
生之蘊又當何如也然則讀疏
義者當求之疏義之外可也嘗

崇禎乙亥四月之吉禹抗門人

姚星吳拜手書

周易疏義卷之一

星源後學程汝繼敬承父著

禹杭門生姚星吳次白父訂

男學心存赤父

得心聖先父梓

周易上經

周代名也易書名也其卦本伏羲所畫有交易變易之義故
謂之易其辭則文王周八所繫故繫之周以其簡表重大故

分爲上下兩篇經則伏羲之畫文王周公之辭也并孔子所作之傳十篇凡十二篇中間頗爲諸儒所亂近世晁氏始正其失而未能盡合古文呂氏又更定著爲經二卷傳十卷乃復孔氏之舊云

三三三
乾下
乾上

乾元亨利貞

六畫者伏羲所畫之卦也一者奇也陽之數也乾者健也陽之性也本註乾字三畫卦之名也下者內卦也上者外卦也經文

乾字六畫卦之名也。伏羲仰觀俯察，見陰陽有奇耦之數，故畫一奇以象陽，畫一偶以象陰。見一陰一陽有各生一陰一陽之象，故自下而上再倍而三，以成八卦。見陽之性健，而其成形之大者爲天，故三奇之卦名之曰乾，而擬之于天也。三畫已具八卦，已成則又三倍其畫，以成六畫。而于八卦之上，各加八卦，以成六十四卦也。此卦六畫皆奇，上下皆乾，則陽之純而健之至也。故乾之名，天之象，皆不易焉。元亨利貞，文王所繫之辭，以斷一卦之吉凶，所謂象辭者也。元大也，亨通也，利宜也，貞正而固。

也。文王以爲乾道大通而至正。故于筮得此卦而六爻皆不變者。言其占當得大通。而必利在正固。然後可以保其終也。此聖人所以作易教人卜筮。而可以開物成務之精意。餘卦效此。

初九潛龍勿用

初九者。卦下陽爻之名。凡畫卦者。自下而生。故以下爻爲初。陽數九爲老。七爲少。老變而少不變。故謂陽爻爲九。潛龍勿用。周公所繫之辭。以斷一爻之吉凶。所謂爻辭者也。潛藏也。龍陽物也。初陽在下。未可施用。故其象爲潛龍。其占曰勿用。凡遇乾而

此爻變者當觀此象而玩其占也餘爻放此

九二見龍在田利見大人

見龍之見賢通反卦內見龍並同

二謂自下而上第二爻也後放此九二剛健中正出潛離隱澤

及于物物所利見故其象爲見龍在田其占爲利見大人九二

雖未得位而大人之德已著常人不足以當之故值此爻之變

者但爲利見此人而已蓋亦謂在下之大人也此以爻與占者

相爲主賓自爲一例若有見龍之德則爲利見九五在上之大

人矣

九三、君子終日乾乾，夕惕若厲，无咎。

九陽爻三陽位，重剛不中，居下之上，乃危地也。然性體剛健，有能乾乾惕厲之象，故其占如此。君子指占者而言，言能憂懼如思慮審處憂懼是則雖處危地而終于危无咎也。

九四、或躍在淵，无咎。

或者疑而未定之辭，躍者无所緣而絕于地，特未飛爾淵者，上空下洞，深昧不測之所，龍之在是，若下于田，或躍而起，則向乎天矣。九陽四陰，居上之下，改革之際，進退未定之時也，故其象不急于進而又不安于退

如此其占能隨時進退則无咎也

此字輕

九五飛龍在天利見大人

剛健中正以居尊位如以聖人之德居聖人之位故其象如此而占法與九二同特所利見者在上之大人耳若有其位則爲利見九二在下之大人也

上九亢龍有悔

亢苦浪切卦內並同

上者最上一爻之名亢者過于上而不能下之意也陽極于上動必有悔故其象占如此

用九見群龍无首吉

用九言凡筮得陽爻者皆用九而不用七蓋諸卦百九十二陽爻之通例也以此卦純陽而居首故于此發之而聖人因繫之辭使遇此卦而六爻皆變者卽此占之蓋六陽皆變剛而能柔吉之道也故爲群龍无首之象而其占爲如是則吉也春秋傳曰乾之坤曰見群龍无首吉蓋卽純坤卦辭牝馬之貞先迷後

得
東北喪朋之意

象曰大哉乾元萬物資始乃統天

蓋此元化流行初无間斷由始而終轉是這一元包羅萬象元非止爲萬物資始乃是統貫天德者也

彖即文王所繫之辭傳者孔子所以釋經之辭也後凡言傳者
放此○此專以天道明乾義又析元亨利貞爲四德以發明之
而此一節首釋元義也大哉歎辭元大也始也乾元天德之大
始故萬物之生皆資之以爲始也又爲四德之首而貫乎天德
之始終故曰統天

雲行雨施品物流形而性
施始豉反
卦內並同

此釋乾之亨也

因天道以見易道

妙易道以御天道

大明終始六位時成時乘大龍以御天

始卽元也。終謂貞也。不終則无始。不貞則无以爲元也。此言聖人大明乾道之終始。則見卦之六位。各以時成。而乘此六陽以行天道。是乃聖人之元亨也。

乾道變化各正性命天由而保合太和利貞

變者化之漸。化者變之成。物所受爲性。天所賦爲命。會合冲和之氣也。各正者。得于有生之初。保合者。全其性而使之後。此言乾道變化。无所不利。而萬物各得其性命。以自全。以釋利貞之義也。

首出庶物萬國咸寧。

聖人在上。高出于物。猶乾道之變化也。萬物各得其所而咸寧。猶萬物之各正性命。而保合太和也。此言聖人之利貞也。蓋嘗統而論之。元者物之始生。亨者物之暢茂。利則向于實也。貞則實之成也。實之既成。則其根蒂脫落。可復種而生矣。此四德之所以循環而无端也。然而四者之間。生氣流行。初无間斷。元之所以包四德而統天也。其以聖人而言。則孔子之意。蓋以此卦爲聖人得天位。行天道而致太平之占也。雖其文義有非文

周易卷一
王之舊者。然讀者各以其意求之。則並行而不悖也。坤卦放此。
象曰天行健。君子以自強不息。

象者卦之上下兩象及兩象之六爻。周公所繫之辭也。○天乾
卦之象也。凡重卦皆取重義。此獨不然者。天一而已。但言天行
則見其一日一周而明日又一周。若重複之象。非至健不能也。
君子法之。不以人欲害其天德之剛。則自強而不息矣。

潛龍勿用。陽在下也。有德人之德而學也

陽謂九下謂潛

以德聚財

之所者而周行

見龍在田德施普也

終日乾乾反復道也

朝斯夕斯不少休廢

反復重復踐行之意

或躍在淵進无咎也

此句用點白文上句

達

可以進而不必進也

則其進已審而達通其時矣

飛龍在天大人造也

造猶作也

亢龍有悔盈不可久也

用九。天德不可爲首也。

先

言陽剛不可爲物先。故六陽皆變而吉。○天行以下。先儒謂之

大象。潛龍以下。先儒謂之小象。後放此。

什襲

文。言曰。元者善之長也。亨者嘉之會也。利者義之和也。貞者事之幹也。

此篇申彖傳象傳之意。以盡乾坤二卦之蘊。而餘卦之說。因可
以例推云。○元者。生物之始。天地之德莫先于此。故于時爲春。
于人則爲仁。而衆善之長也。亨者。生物之通。物至于此莫不嘉。

美故于時爲夏于人則爲禮而衆美之會也利者生物之遂物
各得宜不相妨害故于時爲秋于人則爲義而得其分之和貞
者生物之成實理具備隨在各足故于時爲冬于人則爲智而
爲衆事之幹幹木之身而枝葉所依以立者也

君子體仁足以長人嘉會足以合禮利物足以和義貞固足以幹
事

此是言其修之合當向來說到用處

以仁爲體則无一物不在所愛之中故足以長人嘉其所會則
无不合禮使物各得其所利則義无不和貞固者知正之所在

而固守之。所謂知而弗去者也。故足以爲事之幹。

君子行此四德者。故曰乾元亨利貞。

健則學。人欲學。全乎夫理。故能行此四德。

非君子之至健。无以行此。故曰乾元亨利貞。○此第一節申彖傳之意。與春秋傳所載穆姜之言不異。疑古者已有此語。穆姜稱之。而夫子亦有取焉。故下文別以子曰。表孔子之辭。蓋傳者欲以明此章之爲古語也。

初九曰潛龍勿用。何謂也。子曰龍德而隱者也。不易乎世。不成乎求名。遯世無悶。不見是而無悶。樂則行之。憂則違之。確乎其不可拔。

潛龍也。樂音洛

龍德聖人之德也。在下故隱。易謂變其所守。大抵乾卦六爻。文
言皆以聖人明之。有隱顯而无淺深也。

時當潛

九二曰見龍在田。利見大人。何謂也。子曰。龍德而正中者也。庸言
之信。庸行之謹。閑邪存其誠。善世而不伐。德博而化。易曰見龍在
田。利見大人。君德也。行下孟反

正中不潛而未躍之時也。常言亦信。常行亦謹。盛德之至也。閑
邪存其誠。无斁亦保之意。言君德也者。釋大人之爲九二也。

九三曰君子終日乾乾夕惕若厲无咎何謂也子曰君子進德脩

之所在而本忠信之心以求

業忠信所以進德也脩辭立其誠所以居業也知至至之可與幾

之所在而時之誠以求 若歸軍此而不舍去

不驕不憂皆自一念誠惕中來

也知終終之可與存義也是故居上位而不驕在下位而不憂故

此有結語耳

乾乾因其時而惕雖危无咎矣

幾堅溪反

忠信主于心者无一念之不誠也脩辭見于事者无一言之不

在忠

實也雖有忠信之心然非脩辭立誠則无以居之知至至之進

進

德之事知終終之居業之事所以終日乾乾而夕猶惕若者以

此故也可上可下不驕不憂所謂无咎也

不果于上又不安于下其志

不果于進又不

九四曰或躍在淵无咎何謂也子曰上下无常非為邪也進退无

安于退其心實

九四

大人之事已備

此字重

恒非離群也君子進德脩業欲及時也故无咎離力智反

內卦以德學言外卦以時位言進德脩業九三備矣此則欲其

以行此德業于天下耳如此則其得甚正而為順天為應人故无咎

及時而進也

此六句是興起

九五曰飛龍在天利見大人何謂也子曰同聲相應同氣相求水

只此二句

二句是申明見得無心之意

流濕火就燥雲從龍風從虎聖人作而萬物覩本乎天者親上本

乎地者親下則各從其類也

作起也物猶人也覩釋利見之意也本乎天者謂動物本乎地

者謂植物各從其類聖人人類之首也故興起于上則人皆見之

九 能其 九則天下望之 九則羣衆

上九曰亢龍有悔何謂也子曰貴而无位高而无民賢人在下位而无輔是以動而有悔也

賢人在下位謂九五以下无輔以上九過高志滿不來輔助之也○此第二節申象傳之意

以時未可爲而居位

潛龍勿用下也

見龍在田時舍也舍去聲

君位

言未為時用也

善行進修

所當行之

終日乾乾行事也

皇徒震

或躍在淵自試也

時之

未遽有為姑試其所

為舉否

飛龍在天上治也

治直吏反本義
讀作平聲

居上以治下

亢龍有悔窮之災也

乾元用九天下治也

治直
吏反

言乾元用九見與他卦不同君道剛而能柔天下无不治矣○

只是不偏任剛意

此第三節再申前意

潛龍勿用陽氣潛藏

贊化而摩

見龍在田天下文明

此句輕

雖不在上位然天下已被其化而成文明之象

終日乾乾與時偕行

任天而應處

時當然也

或躍在淵乾道乃革

乾爻位

正乾道

離下而上變革之時天人去留之際故其進不可不審也

是聖人居天子之位

飛龍在天乃位乎天德非无德而居據者也

天德卽天位也蓋唯有是德乃宜居是位故以名之

俱亢

亢龍有悔與時偕極

乾元用九乃見天則

剛而能柔天之法也○此第四節又申前意

乾元者始而亨者也

始則必亨理勢然也

利貞者性情也

收歛歸藏乃見性情之實

元之不雜物之益

恒于斯

物之貞而咸亦恒于斯

乾元之統天乎

乾始能以美利利天下不言所利大矣哉

始者元而亨也利天下者利也不言所利者貞也或曰坤利牝

馬則言所利矣

大哉乾乎剛健中正純粹精也

剛以體言健兼用言中者其行无過不及正者其立不偏四者
乾之德也純者不雜于陰柔粹者不雜于邪惡蓋剛健中正之

不可懸不可名狀

是故全為一元之統體而彰美利不言之妙用分之為四德之通復而運

至極而精者又純粹之至極也。或疑乾剛无柔不得言中正者

中者性體之功化者皆不能不出于乾故曰大哉乾乎

不然也。天地之間本一氣之流行而有動靜爾。以其流行之統體而言則但謂之乾而无所不包矣。以其動靜分之然後有陰

陽剛柔之別也。

蓋

六爻發揮旁通情也。

旁通猶言曲盡。

時乘六龍以御天也。雲行雨施天下平也。

此是聖人作為廣見平章也

取教廣布

此是聖人成功廣見利見也

言聖人時乘六龍以御天則如天之雲行雨施而天下平也。○

此第五節復申首章之意

君子以成德為行日可見之行也指潛之為言也隱而未見行而未

只為時之未遇

成是以君子弗用也

面當知之而

行並下孟反未見之見賢遍反

成德已成之德也初九固成德但其行未可見爾

聖人

此道理

其所聚

其所辨

其所居

君子學以聚之問以辨之寬以居之仁以行之易曰見龍在田利

見大人君德也

蓋由四者以成大人之德再言君德以深明九二之為大人也

德範

時位

居一人之下

處百僚之上

九三重剛而不中上不在天下不在田故乾乾因其時而惕雖危

无咎矣重平聲下同

重剛謂陽爻陽位

九四重剛而不中上不在天下不在田中不在人故或之或之者
若將賽天天人從違之際而居進焉
疑之也故无咎

九四非重剛重字疑衍在人謂二或者隨時而未定也

智周陽

動靜得宜

當則有章

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而况于人乎

况于鬼神乎

夫音扶先悉薦反後胡豆反

大人卽釋爻辭所利見之大人也。有是德而當其位，乃可以當
之人與天地鬼神本无二理，特蔽于有我之私，是以梏于形體
而不能相通。大人无私，以道爲體，曾何彼此先後之可言哉！先
天不違，謂意之所爲，默與道契。後天奉天，謂知理如是，奉而行
之。回紇謂郭子儀曰：卜者言此行當見一大人而還，其占蓋與
此合。若子儀者，雖未及乎夫子之所論，然其至公无我，亦可謂
當時之大人矣。

无之爲言也，知進而不知退。

身之

知存而不知亡，知得而不知喪。

世之

物之

喪息
浪反

所以動而有悔也

其唯聖人乎。知進退存亡而不失其正者。其唯聖人乎。

蓋此處必退存極必亡此理勢之自然者也

非先時而儆戒則隨時而變通不與時而俱元

知其理勢如是而處之以道。則不至于有悔矣。固非計私以避害者也。再言其唯聖人乎。始若設問而卒自應之也。○此第六節復申第二第三第四節之意

䷁ 坤下
䷁ 坤上

此下是開示其何以即牝馬之貞意

順

坤元亨利牝馬之貞。君子有攸往。先迷後得主。利西南得朋。東北

喪朋。安貞吉。

喪息
浪反

一者偶也。陰之數也。坤者順也。陰之性也。註中者三畫卦之名也。經中者六畫卦之名也。陰之成形莫大于地。此卦三畫皆偶。故名坤而象地。重之又得坤焉。則是陰之純順之至。故其名與象皆不易也。牝馬順而健行者。陽先陰後。陽主義。陰主利。西南此是順利之利。非辭利之利。陰方東北陽方安順之爲也。貞健之守也。遇此卦者其占爲大亨而利以順。健爲正。如有所往則先迷後得而主于利。往西南則得朋。往東北則喪朋。大抵能安于正則吉也。

彖曰至哉坤元萬物資生乃順承天。之形之以 然其資生之功用又非自爲者也 象之始章

此以地道明坤之義而首言元也至極也比大義差緩始者氣

坤元之至全在此句

之始生者形之始順承天施地之道也

德之在事物上看即載物之厚德此正德合无疆處植

坤厚載物德合无疆含弘光大品物咸亨

言亨也德合无疆謂配乾也

順象

健象

此句重

牝馬地類行地无疆柔順利貞君子攸行

乃地之類

言利貞也馬乾之象而以爲地類者牝陰物而馬又行地之物

惟柔順所以取象于牝馬之順惟利貞所以取象于行地之健

也行地无疆則順而健矣柔順利貞坤之德也君子攸行人之

安貞之吉

所行如坤之德也所行如是則其占如下文所云也

坤之

陰

由其

而故也

則非其類矣所以

先迷失道後順得常西南得朋乃與類行東北喪朋乃終有慶

陽大陰小陽得兼陰陰不得兼陽故坤之德常減于乾之半也

始有不和

東北雖喪朋然反之西南則終有慶矣

順健

安貞之吉應地无疆

安而且貞地之德也

象曰地勢坤君子以厚德載物

地坤之象亦一而已故不言重而言其勢之順則見其高下相因之无窮至順極厚而无所不載也

初六履霜堅冰至

六陰爻之名陰數六老而入少故謂陰爻爲六也霜陰氣所結盛則水凍而爲冰此爻陰始生于下其端甚微而其勢必盛故其象如履霜則知堅冰之將至也夫陰陽者造化之本不能相

占者可无防微杜漸之術哉

无而消長有常亦非人所能損益也然陽主生陰主殺則其類有淑慝之分焉故聖人作易于其不能相无者既以健順仁義之屬明之而无所偏主至其消長之際淑慝之分則未嘗不致其扶陽抑陰之意焉蓋所以贊化育而參天地者其旨深矣不

言其占者謹微之意已可見于象中矣。

初六所以有 之象者固其一 因其始疑之端要其 之勢必于

象曰履霜堅冰陰始凝也馴致其道至堅冰也故曰履霜堅冰

按魏志作初六履霜今當從之馴順習也

六二直方大不習无不利

柔順正固坤之直也賦形有定坤之方也德合无疆坤之大也

六二柔順而中正又得坤道之純者故其德内直外方而又盛

无事无方 大而能化就直方大上言

大不待學習而无不利占者有其德則其占如是也

直方平順大在其中

指直方大

象曰六二之動直以方也不習无不利地道光也地道猶言坤德

抱貞能

敬專惟代

六三含章可貞或從王事无成有終

有孚

有孚

是主有天下國未上齊君况章美多德

六陰三陽内含章美可貞以守然居下之上不終含藏故或時

有猷有爲

出而從上之事則始雖无成而後必有終又有此象故戒占者

有此德則如此占也

其心將待

而能无成有終者由其之

象曰含章可貞以時發也或從王事知光大也

與之惜之

知音光則能知君尊臣卑之義
大則能守君之臣共之常

六四括囊无咎无譽

括囊言結囊口而不出也譽者過實之名謹密如是則无咎而

亦无譽矣六四重陰不中故其象占如此蓋或事當謹密或時

當隱遯也。

象曰括囊无咎慎不害也。

仕括囊 什志格

上有重冕於下句重冕

王道者 崇

六五黃裳元吉

順

黃中色裳下飾六五以陰居尊中順之德充諸內而見于外故

不遠 尊

其象如此而其占爲大善之吉也占者德必如是則其占亦如

是矣○春秋傳南蒯將叛筮得此爻以爲大吉子服惠伯曰忠

信之事則可不然必敗外強內溫忠也和以率貞信也故曰黃

裳元吉黃中之色也裳下之飾也元善之長也申不忠不得其

色下不共不得其飾事不善不得其極且夫易不可以占險三

者有闕筮雖當未也後蒯果敗此可以見占法矣

文治

生財

象曰黃裳元吉文在中也

文在中而見于外也

上六龍戰于野其血玄黃

而其辨

陽盛他不佳必

夫陽方其極固无勝陰（卦）然陰盛亦无獨克之理是以

陰盛之極至與陽爭兩敗俱傷其象如此占者如是其凶可知

陰 極盛

象曰龍戰于野其道窮也

用六利永貞

用六言凡筮得陰爻者皆用六而不用八亦通例也以此卦純陰而居首故發之遇此卦而六爻俱變者其占如此辭蓋陰柔而不能固守變而爲陽則能永貞矣故戒占者以利永貞卽乾之利貞也自坤而變故不足于元亨云

象曰用六永貞以大終也

初陰後陽故曰大終

无專成 化机之際 物不可禦 无違作

文言曰坤至柔而動也剛至靜而德方

賦形有定

剛方釋牝馬之貞也方謂生物有常

後得主而有常道

程傳曰主下當有利字

含萬物而化光

復明亨義

此字重

坤道其順乎承天而時行

復明順承天之義○此以上申彖傳之意

其殃之大者至于

積善之家必有余慶積不善之家必有余殃臣弑其君子弑其父

善惡分界

非一朝一夕之故其所由來者漸矣由辯之不早辯也易曰履霜

堅水至蓋言順也

古字順慎通用按此當作慎言當辯之于微也

此六二已成之德

此君子聖修工夫直方之由

夾持

直方盛大

直其正也方其義也君子敬以直內義以方外敬義立而德不孤

故文曰

有直君子工夫能始終持意衷心休自直處事自方而无一毫疑滯也

直方大不習无不利則不疑其所行也

行字就是大之動的動字

此以學而言之也正謂本體義謂裁制敬則本體之守也直內

方外程傳備矣不孤言大也疑故習而後利不疑則何假于習

傳曰直言其正也方言其義也君子主敬以直其內守義以方

其外敬立而內直義形而外方義形于外非在外也敬義既立

其德盛矣。不期大而大矣。德不孤也。无所用而不周。无所施而

不利。孰為疑乎。

重此字

而尚

不露手

專者。苟分不可越也。博學。公之分。

之于天

陰雖有美。含之以從王事。弗敢成也。地道也。妻道也。臣道也。地道

之以

无成而代有終也。

六三其地。道子而含。无成也。固宜。

氣化通泰雖

莫不盛況。賢人何為而不出。

因時之當謹而不可以不

天道變化。草木蕃。天地閉。賢人隱。易曰。括囊无咎。无譽。蓋言謹也。

中德在內

君子黃中通理。

此言養成之德

黃中言中德在內。釋黃字之義也。

正位居體。

道存謙抑。政尚和平。順之至也。

雖在尊位而居下體釋寰宇之義也

由是 美之著于一身也 美之達于天下也

美在其中而暢于四支發于事業美之至也

美在其中復釋黃中暢于四支復釋居體

所謂龍戰于野者 无陽便不成造化矣 以存陽之名也陰雖盛 陰 謂陰有類終

陰疑于陽必戰為其嫌于无陽也故稱龍焉猶未離其類也故稱

无陽陽疑 血而謂之 此特自其交言耳而原其定分則

血焉夫玄黃者天地之雜也天玄而地黃為于偽反離力 智反夫音扶

疑謂均敵而无小大之差也坤雖无陽然陽未嘗无也血陰屬

蓋氣陽而血陰也玄黃天地之正色言陰陽皆傷也○此以上

申象傳之意

三三三 震下
坎上

以才言 二句以體言只是二正一反无兩意 立濟出之入也

屯元亨利貞勿用有攸往利建侯

屯張
倫反

震坎皆三畫卦之名震一陽動于二陰之下故其德爲動其象爲雷坎一陽陷于二陰之間故其德爲陷爲險其象爲雲爲雨爲水屯六畫卦之名也難也物始生而未通之意故其爲字象少穿地始出而未申也其卦以震遇坎乾坤始交而遇險陷故其名爲屯震動在下坎險在上是能動乎險中能動雖可以亨而在險則宜守正而未可遽進故筮得之者其占爲大亨而利

非不為也不妄為也

于正。但未可遽有所往耳。又初九陽居陰下。而為成卦之主。是能以賢下人。得民而可君之象。故筮立君者。遇之則吉也。

彖曰屯剛柔始交而難生。難去聲六二象同

以二體釋卦名義始交謂震難生謂坎

動故在陰中故實

動乎險中大亨貞

以二體之德釋卦辭動震之為也。雉險坎之地也。墟自此以下釋元

亨利貞乃用文王本意

是天造草昧之象王世取上說

世難方殷无主乃乱

又指立君者言

雷雨之動滿盈天造草昧宜建侯而不寧

以二體之象釋卦辭雷震象雨坎象天造猶言天運草雜亂昧

疊字

晦冥也陰陽交而雷雨作雜亂晦冥塞乎兩間天下未定名分

鼎卦字

然亂昧初間人心未固君侯始建治理猶疎

而迷忘戒慎

未明宜立君以統治而未可遽謂安寧之時也不取初九爻義者取義多端姑舉其一也

象曰雲雷屯君子以經綸

以先王天綱以

坎不言水而言雲者未通之意經綸治絲之事經引之綸理之

而次舉其節目

也屯難之世君子有爲之時也

已爲

初九磐桓利居貞利建侯

磐桓難進之貌屯難之初以陽在下又居動體而上應陰柔險

无協贊之人如何去濟得天下事

陷之爻故有磐桓之象然居得其正故其占利于居貞又本成

守正以俟時

不可妄動以求進也

卦之主以陽下陰為民所歸侯之象也故其象又如此而占者

又安可坐觀時變不從民望乎宜順民心以為天下君

如是則利建以為侯也

可終于居貞已哉

初九所謂利居貞者蓋

而則在不亂遂其守

德

民之心所以利建侯

象曰雖磐桓志行正也以貴下賤大得民也

為初所難

即屯遯之象

原初難二之心見二不字之難

于初久

于五

六二屯如遭如乘馬班如匪寇婚媾女子貞不字十年乃字

連反

班分布不進之貌字許嫁也禮曰女子許嫁笄而字六二陰柔

有君臣之義得遠于五而近于初初有嫌嫌之重而力又足以相制

之求二意不善

中正有應于上而乘初剛故為所難而遭回不進然初非為寇

共濟也

此其來意甚厚人情易于此而畏其所守

也乃求與已為婚媾耳但已守正故不之許至于十年數窮理

終必得君子道共濟時艱

極則妄求者去正應者合而可許矣又有此象故因以戒占者

初九之

二五相應乃理之常

象曰六二之難乘剛也十年乃字反常也

六三即鹿无虞惟入于林中君子幾不如舍往吝幾音機舍音捨象同

无十

无德

无獲

陰柔居下不中不正上无正應妄行取困為逐鹿无虞陷入林

見利而動不自度其才力之不足何以濟事惟墮陷于險也此六三由不知几故耳占者之

中之象君子見幾不如舍去若往逐而不舍必致羞吝戒占者

宜如是也

以其心貪一己之利而害心

見九兩

者而至其極

象曰即鹿无虞以從禽也君子舍之往吝窮也

六四乘馬班如求婚媾往吉无不利

六四乘馬班如求婚媾往吉无不利

无才自已不足以濟屯

陰柔居屯不能上進故為乘馬班如之象然初九守正居下以

中所當取以自輔者也

應于已故其占為下求婚媾則吉也

賢以濟屯則既不嫌于自用又不昧于知人

象曰求而往明也

總足變爻可為三句實實下句

九五屯其膏小貞吉大貞凶

不妻殺才亦虧

九五雖以陽剛中正居尊位然當屯之時陷于險中雖有六二

則民心將不我屬雖欲濟而民

正應而陰柔才弱不足以濟初九得民于下衆皆歸之九五坎

之消漸拯斯民之昏蒙不可得也

偏安二隅

體有膏潤而不得施為屯其膏之象占者以處小事則守正猶

以高在而固守 若與敵復謀將天下之勢 名義從諸勢有具

可獲吉以處大事則雖正而不免于凶

象曰屯其膏施未光也施式 鼓反

上六乘馬班如泣血漣如

陰柔无應處屯之終進无所之憂懼而已故其象如此已既不足 人又无助

象曰泣血漣如何可長也

三三三坎下 艮上

不枉教

不輕教

善教

蒙亨匪我求童蒙童蒙求我初筮告再三瀆瀆則不告利貞告古 毒反

艮亦三畫卦之名一陽止于二陰之上故其德為止其象為山

蒙昧也。物生之初。蒙昧未明也。其卦以坎遇艮。山下有險。蒙之
地也。內險外止。蒙之意也。故其名爲蒙。亨以下占辭也。九二內
卦之主。以剛居中。能發人之蒙者。而與六五陰陽相應。故遇此
卦者。有亨道也。我二也。童蒙。幼穉而蒙昧。謂五也。筮者明則人
當求我。而其亨在人。筮者暗則我當求人。而亨在我。人求我者。
當視其可否而應之。我求人者。當致其精一而扣之。而明者之

此句輕

養蒙與蒙者之自養。又皆利于以正也。

危殆不安 窒滯不通

彖曰。蒙山下有險。險而止。蒙。

此句重

以卦象卦德釋卦名有兩義

如所謂

者以五之

二如所謂

者

蒙亨以亨行時中也匪我求童蒙童蒙求我志應也初筮告以剛

通百無拘

中也再三瀆瀆則不告瀆蒙也蒙以養正聖功也

不疾不徐

通其意

以卦體釋卦辭也九二以可亨之道發人之蒙而又得其時之

中謂如下文所指之事皆以亨行而當其可也志應者二剛明

重五應二

此字勿泥

五柔暗故二不求五而五求二其志自相應也以剛中者以剛

則能告

重此句

剛中如此

而中故能告而有節也瀆筮者二三則問者固瀆而告者亦瀆

故不告也 專主教者言

矣蒙以養正乃作聖之功所以釋利貞之義也

象曰山下出泉象君子以果行育德

行下孟反 六二象同

泉水之始出者必行而有漸也

泉以漸其前

實以漸其後

不可過緩

初六發蒙利用刑人用說桎梏以往吝

說吐 活反

以陰居下蒙之甚也占者遇此當發其蒙然發之之道當痛懲而暫舍之以觀其後若遂往而不舍則致羞吝矣戒占者當如是也

整頓而不縱弛

象曰利用刑人以正法也

發蒙之初法不可不正懲戒所以正法也

使之心有懼畏身有檢束而不自放于囿法之外

此則上不言君子不勝戰

九二包蒙吉納婦吉子克家

九二以陽剛爲內卦之主統治群陰當發蒙之任者然所治既廣物性不齊不可一槩取必而爻之德剛而不過爲能有所包容之象又以陽受陰爲納婦之象又居下位而能任上事爲子克家之象故占者有其德而當其事則如是而吉也

二五信之深任之篤所以得妻其用而成其功

象曰子克家剛柔接也

指二五之應

六三勿用耿女見金夫不有躬无攸利

取七具反

六三陰柔不中不正。女之見金夫而不能有其身之象也。占者

得此占者當受此教之知勿用取女可也。蓋象者猶欲而忘理。取而變之。惟傷其教。

遇之則其取女必得如是之人。无所利矣。金夫蓋以金賂已而

挑之。若魯秋胡之爲者。

窮人欲而滅天理

象曰勿用取女行不順也。

順當作慎。蓋順慎古字通用。荀子順墨作慎。墨且行不慎于經。意尤親切。今當從之。

六四困蒙吝

蒙者蒙昧者也。元師傳解蒙之功。无師道相與之助。終于蒙。

既遠于陽。又无正應。爲困于蒙之象。占者如是可羞吝也。能求

剛明之德而親近之則可免矣

象曰困蒙之吝獨遠實也。陽遠于萬反實叶韻去聲

六五童蒙吉

柔中居尊下應九二純一未發以聽于人故其象為童蒙而其

占為如是則吉也

柔中下應而聽于九二之賢

象曰童蒙之吉順以巽也

上九擊蒙不利為寇利禦寇

剛非柔不可用也顧所用何如耳

以剛居上治蒙過剛故為擊蒙之象然取必太過攻治太深則

必反爲之害。惟捍其外。誘以全其真。純則雖過于嚴密。乃爲得。

而作聖之功在是矣

宜故戒占者如此。凡事皆然。不止爲誨人也。

明者察者利

象曰。利用禦寇。上下順也。

剛字重。不爲暴而。得去其蒙。剛道也。

禦寇以剛。上下皆得其道。

三三三
乾下坎上

事不取困。不犯難。

需有孚。光亨。貞吉。利涉大川。

需待也。以乾遇坎。乾健。坎險。以剛遇險。而不遽進。以順乎險。待之義也。孚。信之在中者也。其卦九五。以坎體中。實陽剛申正而。

居尊位爲有孚得正之象坎水在前乾健臨之將涉水而不輕進之象故占者爲有所待而能有信則光亨矣若又得正則吉而利涉大川正固无所不利而涉川尤貴于能待則不欲速而犯難也

時當需

以

需之速進以于險難而待其時

彖曰需須也險在前也剛健而不陷其義不困窮矣

此以卦德釋卦名義

此句經傳講

之德

以乾而不犯難

需有孚光亨貞吉位乎天位以正中也利涉大川往有功也

以卦體及兩象釋卦辭

不出至貞二字意

象曰雲上于天需君子以飲食宴樂

上時掌反
樂音洛

雲上于天无所復為待其陰陽之和而自雨爾事之當需者亦不容更有所為但飲食宴樂俟其自至而已一有所為則非需也。

此所處之幸也二字重

初九需于郊利用恒无咎

郊曠遠之地未近于險之象也而初九陽剛又有能恒于其所

不陷于險而

之象故戒占者能如是則无咎也

去險而達需而不進是

而所謂

蓋需能久需之恒道也乎此能恒則

象曰需于郊不犯難行也利用恒无咎未失常也

難去聲

九二需于沙小有言終吉

沙則近于險矣言語之傷亦災害之小者漸進近坎故有此象

世難方殷以身逢之不免多口之悔

剛中能需故得終吉戒占者當如是也

德華其寬而且中乃不急進而能需也惟需而不進故

象曰需于沙衍在中也雖小有言以吉終也

衍以善反

衍寬意以寬居中不急進也

害

九三需于泥致寇至

泥將陷于險矣寇則害之大者九三去險愈近而過剛不中故

以地言

以行需致寇何不能需

其象如此

自致禍故

言其外卦為坎即目前是險至重難解則恐之憂若能以德之則亦可以

象曰需于泥災在外也自我致寇敬慎不敗也

豈謂險既近而遂无可救之術哉

外謂外卦敬慎不敗發明占外之占聖人示人之意切矣

六四需于血出自穴

血者殺傷之地穴者險陷之所四交坎體入乎險矣故為需于

血之象然柔得其正需而不進故又為出自穴之象占者如是

則雖在傷地而終得出也

而能出自穴者平時

象曰需于血順以聽也

九五需于酒食貞吉

酒食宴樂之具言安以待之九五陽剛中正需于尊位故有此

此九五之正也 五之需而不變

象占者如是而貞固則得吉也

象曰酒食貞吉以中正也

上六入于穴有不速之客三人來敬之終吉

非出險之才 值難危之時

陰居險極无復有需有陷而入穴之象下應九三九三與下二

卒然而至有非意料之所及

此何輕

陽需極並進為不速客三人之象柔不能禦而能順之有敬之

不能免侵陵之患且藉其才以出險而

之象占者當陷險中然于非意之來敬以待之則得終吉也

有蓋其陰居險極 而難以自震 雖柔居下 幸而

故終吉

象曰不速之客來敬之終吉雖不當位未大失也

當都浪反後凡 言當位不當位

者放此

以陰居上是為當位言不當位未詳

三三三 坎下 乾上

訟有孚窒惕中吉終凶利見大人不利涉大川窒張栗反

訟爭辨也上乾下坎乾剛坎險上剛以制其下下險以伺其上

以二大言 以二小言

又為內險而外健又為已險而彼健皆訟之道也九二中實上

无應與又為加憂且于卦變自遯而來為剛來居二而當下卦

之中有有孚而見窒能懼而得中之象上九過剛居訟之極有

終極其訟之象九五剛健中正以居尊位有大人之象以剛乘險以實履陷有不利涉大川之象故戒占者必有爭辨之事而隨其所處為吉凶也

彖曰訟上剛下險險而健訟

以卦德釋卦名義

剛本有能訟之資中則以理自義而不求勝于人

以聖言揭隱微恐惑象忘身皆訟為之豈可終乎

以九五

訟有孚窒惕中吉剛柔而得中也終凶訟不可成也利見大人尚

篤虛以求全勝是

而取敗

中正也不利涉大川入于淵也

以卦變卦體卦象釋卦辭

象曰天與水違行訟君子以作事謀始

天上水下其行相違作事謀始訟端絕矣

但語之辨焉

初六不永所事小有言終吉

人之終訟必剛健有勢力者能之

陰柔居下不能終訟故其象占如此

惟其不永所事

即終吉

象曰不永所事訟不可長也雖小有言其辨明也

勝

自訟得約

九二不克訟歸而逋其邑人三百无青

是後以應事理

九二陽剛為險之主本欲訟者也然以剛居柔得下之中而上應九五陽剛居尊勢不可敵故其象占如此邑人三百无青之

小者言自處卑約以免災患占者如是則无咎矣。

九三所以而者蓋二五其勢不敵

象曰不克訟歸逋竄也自下訟上患至掇也

掇自取也

安分

六三食舊德貞厲終吉或從王事无成

安分

食猶食邑之食言所享也六三陰柔非能訟者故守舊居正則始不免受人侵侮不能為己之害而

雖危而終吉然或出而從上之事則亦必无成功占者守常而

不出則善也

六三曰者只是尋常等分之人

象曰食舊德從上吉也

即從主事

從上吉謂隨人則吉明自主事則无成功也。

以事言

以心言

九四不克訟復即命渝安貞吉

渝以朱反

則不屈于人

則所行失當

即就也命正理也渝變也九四剛而不中故有訟象以其居柔

則有訟象者存

不惟約其變訟之行以于

抑且

欲訟之以

故又為不克而復就正理渝變其心安處于正之象占者如是

冥通曰新得

則吉也

九四欲訟本有失也今也

所謂過而能改復字无過者也

象曰復即命渝安貞不失也

者見之理明情伸自然无冤

九五訟元吉

陽剛中正以居尊位聽訟而得其平者也占者遇之訟而有理

必獲伸矣

者得聽訟者之德

象曰訟元吉以中正也

中則聽不偏正則斷合理

上九或錫之鞶帶終朝三褫之

褫勅祇反

鞶帶命服之飾褫奪也以剛居訟極終訟而能勝之故有錫命受服之象然以訟得之豈能安久故又有終朝三褫之象其占爲終訟无理而或取勝然其所得終必失之聖人爲戒之意深矣

始即其俸而勝之時亦為非理而

象曰以訟受服亦不足敬也

爻象爭

三三坎下
三三坤上

君將以聖言以警

師貞丈人吉无咎

師兵衆也。下坎上坤。坎險。坤順。坎水。坤地。古者寓兵于農。伏至險于大順。藏不測于至靜之中。又卦唯九二一陽居下卦之中。為將之象。上下五陰順而從之。為衆之象。九二以剛居下而用事。六五以柔居上而任之。為人君命將出師之象。故其卦之名曰師。丈人。長老之稱。用師之道。利于得正。而任老成之人。乃得。

殺勝致之 窮兵黷武之

吉而无咎。戒占者亦必如是也。

之義 之義 左右人以擊手 指會將書

彖曰師衆也。貞正也。能以衆正。可以王矣。王往况反

此以卦體釋師貞之義。以謂能左右之也。一陽在下之中。而五

陰皆爲所以也。能以衆正。則王者之師矣。

以之德 承上之信任

剛中而應。行險而順。以此毒天下。而民從之。吉又何咎矣。

又以卦體卦德釋丈人吉无咎之義。剛中謂九二。應謂六五。應

之行險。謂行危道。順謂順人心。此非有老成之德者。不能也。毒

害也。師旅之興。不无害于天下。然以其有是才德。是以民悅而

從之也

象曰地中有水師君子以容民畜衆

畜傳敕六反
本義許六反

水不外于地兵不外于民故能養民則可以得衆矣

失律則故

初六師出以律否臧凶

律法也否臧謂不善也晁氏曰否字先儒多作不是也在卦之
初爲師之始出師之道當謹其始以律則吉不臧則凶戒占者
當謹始而守法也

象曰師出以律失律凶也

聖者感金 獲之 戰勝 獲其金 又以其上應于五云

九二在師中吉无咎王三錫命

九二在下爲衆陰所歸而有剛中之德上應于五而爲所寵任故其象占如此

推大將成功之由

原大將論楚之心

象曰在師中吉承天寵也王三錫命懷萬邦也

六三師或輿尸凶

輿尸謂師徒撓敗輿尸而歸也以陰居陽才弱志剛不中不正

輿尸者

而犯非其分故其象如此

象曰師或輿尸大无功也

六四師左次无咎

无咎者

有量之知

左次謂退舍也。陰柔不中而居陰得正。故其象如此。全師以退。賢于六三遠矣。故其占如此。

象曰左次无咎未失常也

知難而退師之常也

冠嚴楚

典師問罪

彰顯之

六五田有禽利執言无咎

長子帥師弟子與尸貞凶

六五用師之主柔順而中不為兵端者也。敵加于已不得已而應之。故為田有禽之象。而其占利以搏執而无咎也。言語辭也。

即又八

長子九二也。弟子三四也。又戒占者專于委任。若使君子任事。

指五

指

利挽言

而又使小人參之。則是使之與尸而歸。故雖貞而亦不免于凶。

也。

所以必用

者其有

之德是為得其當矣。莫者由主之所

象曰：長子帥師，師以中行也。弟子與尸，使不當也。當夫聲

天子賞功之諸侯卿大夫

上六：大君有命，開國承家，小人勿用。

師之終順之極。論功行賞之時也。坤為土。故有開國承家之象。

然小人則雖有功。亦不可使之得有爵土。但優以金帛可也。戒

行賞之人。于小人則不可用。此占而小人遇之。亦不得用。此爻

也

開圖承蒙之

之太亦

象曰大君有命以正功也小人勿用必亂邦也

聖人之戒深矣

三三

坤下坎上

比吉原筮元永貞无咎不寧方來後夫凶

比匪志反

比親輔也九五以陽剛居上之中而得其正上下五陰比而從

之以一人而撫萬邦以四海而仰一人之象故筮者得之則當

而吉矣民之比我將以倍我之德也

仁仁之恒仁之正

為人所親輔然必再筮以自審有元善長永正固之德然後可

既能如是則近陸遠求

以當衆之歸而无咎其未比而有所不安者亦將皆來歸之若

彼自外于生感之化

是有取凶也王者何安心哉

又遲而後至則此交已固彼來已晚而得凶矣若欲比人則亦以是而反觀之耳

彖曰比有也

此三字疑衍文

原氏

比輔也下順從也

此以卦體釋卦名義

原筮元永貞无咎以剛中也。不寧方來上下應也。後夫凶其道窮

也

亦以卦體釋卦辭剛中謂五上下謂五陰

內選九族之親外選五方之賢

立

便為諸侯而制為巡狩述職朝聘往來之禮以親之則諸侯亦親

象曰地上有水比先王以建萬國親諸侯

所以親天下也

地上有水水比于地不容有間建國親侯亦先王所以比于天

下而无間者也彖意人來比我此取我往比人

心之誠

君

誠之積

初六有孚比之无咎有孚盈缶終來有他吉

比之初貴乎有信則可以无咎矣若其充實則又有他吉也

象曰比之初六有他吉也

六二比之自內貞吉

是其始延不奇知君之可比而 出以之

柔順中正上應九五自內比外而得其貞吉之道也占者如是

得所比之有得君行道之

則正而吉矣

所謂內不自失已也

象曰比之自內不自失也

得正則不自失矣

六三比之匪人

陰柔不中正承乘應皆陰所比皆非其人之象其占大凶不言

可知

象曰比之匪人不亦傷乎

五

六四外比之貞吉

以柔居柔外比九五為得其正吉之道也占者如是則正而吉

矣

剛健中正五陽賢君也六四

象曰外比于賢以從上也

此皆顯比之象

九五顯比王用三驅失前禽邑人不誡吉

一陽居尊剛健中正卦之群陰皆來比已顯其比而无私如天

子不合圍開一面之網來者不拒去者不追故為用三驅失前

禽而邑人不誠之象。蓋雖私屬亦喻上意不相警備以得必得也。凡此皆吉之道。占者如是則吉也。

象曰：顯比之吉，位爻正中也。舍逆取順，失前禽也。邑人不誠，上使中

也。舍音捨

由上之德使不偏也。

上六比之无首凶。

陰柔居上，无以比下，凶之道也。故爲无首之象。而其占則凶也。

民離難作不能保其終也

象曰：比之无首，无所終也。

以上下之象言之則為无首以終始之象言之則為无終无首則无終矣

三三二 乾下 巽上

小畜亨密雲不雨自我西郊畜救六反 大畜卦同

巽亦三畫卦之名一陰伏于二陽之下故其德為巽為人其象為風為木小陰也畜止之之義也上巽下乾以陰畜陽又卦為六四一陰上下五陽皆為所畜故為小畜又以陰畜陽能繫而不能固亦為所畜者小之象內健外巽一五皆陽各居一卦之

才既能為

以下是巽又可為故能不為所畜猶足以安

其位行其志而亨

亦以小人

中而用事有剛而能中其志得行之象故其占當得亨通然畜未極而施未行故有密雲不雨自我西郊之象蓋密雲陰物西郊陰方我者文王自我文王演易于羣里視岐周爲西方正小畜之時也筮者得之則占亦如其象云

小人得時用事

衆賢皆受制

彖曰小畜柔得位而上下應之曰小畜

以卦體釋卦名義柔得位指六居四上下謂五陽

內不困 外餘餘德居用事 操縱猶得以整 其所以得

健而巽剛中而志行乃亨也

以卦德卦體而言陽猶可亨也

密雲不雨尚往也自我西郊施未行也施始

陰陽 吾道之正 得以發舒而

尚往言畜之未極其氣猶上進也

美威儀文詞意

象曰風行天上小畜君子以懿文德

風有氣而无質能畜而不能久故爲小畜之象懿文德言未能厚積而遠施也

進 由正 不爲賓緣交結

初九復自道何其咎吉

下卦乾體本皆在上之物志欲上進而爲陰所畜然初九體乾居下得正前遠于陰雖與四爲正應而能自守以正不爲所畜

故有進復自道之象占者如是則无咎而吉也

其得吉非倖也正已可以正人乃理所當然者

象曰復自道其義吉也

亦復自道也

九二牽復吉

若易為小人所真。二字重

三陽志同而九二漸近於陰以其剛中故能與初九牽連而復

不為陰邪所制

志以遂道以行

亦吉道也占者如是則吉矣

九二

由其有剛之德故能

身于小人之群而得其所守之正

象曰牽復在中亦不自失也

亦者承上爻義

九三輿說輻夫妻反目

說吐活反

九三亦欲上進然剛而不中迫近於陰而又非正應但以陰陽
事此句 幾可謂之守 多此疑之情
相說而為所繫畜不能自進故有與說輻之象然以志剛故又
是接濟人以爲進退之隱爲解難而主動不皆曳 則阻抑之禁
不得平而與之爭故又為夫妻反目之象戒占者如是則不得
勝其含藏之私
進而有所爭也

象曰夫妻反目不能正室也

非四之能制三 四所制

程子曰說輻反目三自為也

六四有孚血去惕出无咎

去上聲

以一陰畜眾陽本有傷害憂懼以其柔順得正虛中異體二陽
有孚信之德者也 易以子誠所

謂其德足以居位而彼之衆易與雖易弱天

助之是有孚而血去惕出之象也。无咎宜矣。故戒占者亦有其德則无咎也。

二陽

象曰：有孚惕出上合志也。

誠足以孚衆 力足以役衆

九五：有孚攣如，富以其鄰。

貼有孚句 貼富以句

巽體三爻同力畜乾鄰之象也。而九五居中處尊勢能有爲以

兼乎上下，故爲有孚攣固用富厚之力，而以其鄰之象，猶春秋

以其師之以言能左右之也。占者有孚則能如是也。

恃有此誠以維結乎上下耳 以其

象曰：有孚攣如，不獨富也。

上九既雨既處尚德載婦貞厲月幾望君子征凶

幾音幾

陰方制乎陽而陽亦受制于陰 向陰不雨今則 向陽往來則 所以然者非陰之得已也由小人

畜極而成陰陽和矣故為既雨既處之象蓋尊尚陰德至于積

以聖足之陰之常分 本不可 陰陽消長特健之帝 以時言

滿而然也陰加于陽故雖正亦厲然陰既盛而抗陽則君子亦

不可以有行矣其占如此為戒深矣

象曰既雨既處德積載也君子征凶有所疑也

與

三三兌下
乾上

連易

履虎尾不咥人亨

咥直 結反

兌亦三畫卦之名一陰見于二陽之上故其德為說其象為澤

履有所躡而進之義也。以兌遇乾和說以躡剛強之後有履虎

什卦名

什卦名

尾而不見傷之象故其卦為履而占如是也人能如是則處危

而不傷矣

以兌之至六乾之至 以柔進履非履危變之伏也

彖曰履柔履剛也

以二體釋卦名義

柔能制剛剛能制強

說而應乎乾是以履虎尾不咥人亨

說音悅

以卦德釋彖辭

以陽 之德 乾兌皆剛 以陽遇

剛中正履帝位而不疚光明也

周易疏義

又以卦體明之指九五也

制禮

以

象曰上天下澤履君子以辯上下定民志

程傳備矣傳曰天在上澤居下

上一作天

下之正理也人之所履

當如是故取其象而爲履君子觀履之象以辯別上下之分以

定其民志夫上下之分明然後民志有定民志定然後可以言

治民治不定天下不可得而治也古之時公卿大夫而下位各

稱其德終身居之得其分也位未稱德則君舉而進之士脩其

學學至而君求之皆非有預于已也農工商賈勤其事而所享

有限故皆有定志。而天下之心可一。後世自庶士至于公卿。日
志于尊榮。農工商賈。日志于富侈。億兆之心。交騖于利。天下紛
然如之何其可一也。欲其不亂難矣。此由天下无定志也。君子
觀履之象。而分辯上下。使各當其分。以定民之心志也。

初九素履往无咎

既無祿私

位

其心

功名富貴所

平所踐

所謂不妄蹇是也

不自君民不肖

以陽在下居履之初。未爲物遷。率其素履者也。占者如是。則往

所學

而无咎也。

象曰素履之往獨行願也。

心

九二履道坦坦幽人貞吉

行心德士

有可行之德

未能時用是以獨行其道于隱居之中而是非榮辱无所繫

剛中在下无應于上故為履道平坦幽獨守貞之象幽人履道

得潔身之正 竹自得休

而遇其占則貞而吉矣

由其有剛之德而能守以珍貴其志

象曰幽人貞吉中不自亂也

強以為

強以為

又以強暴之人幸而得志是猶

終猶天災終吉亦雖事凶而能自強

六三眇能視跛能履履虎尾咥人凶武人為于大君

跛波我反

才德本无可有

則是愚而好自用不知而作者也

六三不中不正柔而志剛以此履乾必見傷害故其象如此而

占者凶又為剛武之人得志而肆暴之象如秦政項籍豈能久

也

象曰眇能視不足以有明也跛能履不足以與行也噬人之凶位

不當也武人爲干大君志剛也

危

普處危 不終危

九四履虎尾愬愬終吉

九四亦以不中不正履九五之剛然以剛居柔故能戒懼而得

正危机所伏

所謂小心翼翼

忠順不失以事其上者

終吉

得君之

象曰愬愬終吉志行也

九五夬履貞厲

此剛中要看他非純德之主如漢武唐宣之類

无法家輔士之助而剛明自在

九五以剛中正履帝位而下以兌說應之凡事必行无所疑礙

故其象爲夬決其履雖使得正亦危道也故其占爲雖正而危爲戒深矣

象曰夬履貞厲位正當也

爻才位

傷于所恃

上九視履考祥其旋元吉

所

後來之何如必所履者 善善惡惡終始皆得則吉 否則未有吉也

視履之終以考其祥周旋无虧則得元吉占者禍福視其所履而未定也

象曰元吉在上大有慶也

若得元吉則大有福慶也

三三乾下坤上

小人奔外 君子居內 陽道大行

泰小往大來吉亨

泰通也為卦天地交而二氣通故為泰正月之卦也小謂陰大謂陽言坤往居外乾來居內又自歸妹來則六往居四九來居三也占者有剛陽之德則吉而亨矣

彖曰泰小往大來吉亨則是天地交而萬物通也上下交而其志

遷花

人心

人類

氣

化生

之氣自然流

泰之

同也內陽而外陰內健而外順內君子而外小人君子道長小人

道消也

長丁丈反 否卦同

象曰天地交泰后以財成天地之道輔相天地之宜以左右民

息相

亮反左音 佐右音佑

財成以制其過輔相以補其不及

初九拔茅茹以其彙征吉

三陽在下相連而進拔茅連茹之象征行之吉也占者陽剛則

同心共濟成輔泰之功

其往吉矣郭璞洞林讀至彙字絕句下卦放此

三陽之 天下

象曰拔茅征吉志在外也

九二包荒用馮河不遐遺朋亡得尚于中行

馮音憑

九二以剛居柔在下之中上有六五之應王乎泰而得中道者也。占者能包容荒穢而果斷剛決不遺遐遠而不昵朋比則合乎此爻中行之道矣。

象曰包荒得尚于中行以光大也

世道而傾險

心事

九三无平不陂无往不復艱貞无咎勿恤其孚于食有福

陂彼反

將過于中泰將極而否欲來之時也。恤憂也孚所期之信也。戒占者艱難守貞則无咎而有福

三轉中正氣運至泰重之問復固之建在所不吝義矣

象曰无往不復天地際也

六四翩翩不富以其鄰不戒以孚

而果陰而得志勢必復合

非有力以繫之 自相

已過乎中泰已極矣故三陰翩然而下復不待富而其類從之

非有今以繫之 其志自相

不待戒令而信也其占為有小人合交以害正道君子所當戒

也陰虛陽實故凡言不富者皆陰爻也

惟其實則此心惟慮字據其有故教然文合以謀害君子者其

象曰翩翩不富皆失實也不戒以孚中心願也

陰本居下在上為失實

受

六五帝乙歸妹以祉元吉

以陰居尊。爲泰之主。柔中虛已。下應九二。吉之道也。而帝乙歸妹之時。亦嘗占得此爻。占者如是。則有祉而元吉矣。凡經以古人爲言。如高宗箕子之類者。皆放此。

本虛之德 下應之

象曰以祉元吉中以行願也

上六城復于隍勿用師自邑告命貞吝

泰極而否。城復于隍之象。戒占者不可力爭。但可自守。雖得其

修其政令以回之耳然時既否而居爲之已无及矣 自邑之象不

失爲救人心凝天命之靈而

貞亦不免于羞吝

此聖人所以貴初治乎未亂歟

雖美運(當)然 實人事之變然

象曰城復于隍其命亂也

命亂故復否。告命所以澄之也。

三三三 坤下
乾上

否之匪人。不利君子貞。大往小來。

否備
鄙反

否。閉塞也。七月之卦也。正與泰反。故曰匪人。謂非人道也。其占不利于君子之正道。蓋乾往居外。坤來居內。又自漸卦而來。則九往居四。六來居三也。或疑之匪人三字衍文。由此六三而誤也。傳不特解其義。亦可見。

彖曰。否之匪人。不利君子貞。大往小來。則是天地不交。而萬物不

雖有而不治亦知有

通也。上下不交而天下无邦也。內陰而外陽。內柔而外剛。內小人而外君子。小人道長。君子道消也。

象曰：天地不交，否。君子以儉德辟難，不可榮以祿。辟音避，難去聲。

收歛其德，不形于外，以避小人之難，人不得以祿位榮之。

初六：拔茅茹，以其彙，貞吉，亨。

三陰在下，當否之時，小人連類而進之象，而初之惡則未形也。重初上取義，猶有可憂之氣。

能察小人心態，正舉可身益善，可使進退不至于害。

故戒其貞，則吉，而亨蓋能如是，則變而為君子矣。

象曰：拔茅貞吉，志在君也。

小人而變為君子則能以愛君為念而不計其私矣。

此句經

此句經

六二包承小人吉大人否亨

是人之所愛者

不欲其變

則能承其意之陽

陰柔而中正小人而能包容承順乎君子之象小人之吉道也

故占者小人如是則吉大人則當安守其否而後道亨蓋不可

以彼包承于我而自失其守也

什者竟所以意

象曰大人否亨不亂群也

彼雖承其意則人

當

言不亂于小人之群

六三包羞

以陰居陽而不中。正。小人志于傷善而未能也。故為包羞之象。

然以其未發故无凶咎之戒。

象曰包羞位不當也。

氣化將泰而可樂人事克修而動

九四有命无咎疇離祉。

否過中矣。將濟之時也。九四以陽居陰不極其剛。故其占為有。

此謂重无咎過天之休禍不為泰附屬之以其一身之義也

命无咎而疇類三陽皆獲其福也。命謂天命。

濟不足

象曰有命无咎志行也。

息輕

九五休否。小人吉。其亡其亡繫于苞桑。

休否之具 休否之機

陽剛中正以居尊位能休時之有大人之事也故此爻之占大

人遇之則吉然又當戒懼如繫辭傳所云也

又德業位

象曰大人之吉位正當也

此條經 重

上九傾否先否後喜

有濟否之才 有復泰之路

以陽剛居否極能傾時之否者也其占為先否後喜

象曰否終則傾何可長也

三三 離下 乾上

俱獲同人于野象 即于野中得同是來利即亨利也

同人于野亨利涉大川利君子貞

離亦三畫卦之名。一陰麗于二陽之間。故其德為麗。為文明。其

象為火。為日。為電。同人與人同也。以離遇乾。火土同于天。六二

其德同

之中正

六二

其德同

得位得中。而上應九五。又卦唯一陰。而五陽同與之。故為同人。

自元正私之累而能于野

于野。謂曠遠而无私也。有亨道矣。以健而行。故能涉川為卦內。

文明而外剛健。六二中正而有應。則君子之道也。占者能如是。

則亨。而又可涉險。然必其所同合于君子之道。乃為利也。

其德同

其德同

彖曰。同人。柔得位。得中。而應乎乾。曰同人。

以卦體釋卦名。彖柔謂六二。乾謂九五。

同與曰

行文

所

則聲而

者由茲而所謂利君子貞者何聚哉

已

人

之建

同人于野亨利涉大川乾行也文明以建中正而應君子正也唯

承正遠說來即文兩以下四句

君子為能通天下之志

以卦德卦體釋卦辭通天下之志乃為大同不然則是私情之合而已何以致亨而利涉哉

象曰天與火同人君子以類族辯物

天在上而火炎上其性同也類族辯物所以審異而致同也

外失之

初九同人于門无咎

同人之初未有私主以剛在下上无繫應可以无咎故其象占

如此

人得而之

象曰出門同人又誰咎也

六二同人于宗吝

此爻有淺

宗黨也六二雖中且正然有應于上不能大同而繫于私吝之

此情有所係有所偏

所感不公所應所狹

道也故其象占如此

象曰同人于宗吝道也

特種之象

恃力之象

凡所以戰于五而求于二者見不義然理既不正勢又不敵雖有智力亦力竭

九三伏戎于莽升其高陵三歲不興

剛而不中上无正應欲同于二而非其正懼九五之見攻故有

此象。

九五之以柔同于二

此言其志雖同終不得同也

象曰伏戎于莽敵剛也三歲不興安行也

言不能行。

三之象 果

九四乘其墉弗克攻吉

亦柔同

亦意柔同

剛不中正又无應與亦欲同于六二而為三所隔故為乘墉以

三

此非獨于三乃兼指于五也

攻之象然以剛居柔故有自反而不克攻之象占者如是則是

視三之三歲不與遠矣故

能改過而得吉也

象曰乘其墉義弗克也其吉則困而反則也

二非正應

經弗克而得吉者

乘其墉矣則非其力之不足也特以義之弗克而不攻耳能以

義斷困而反于法則故吉也

本其聖而示之以必同之義

因其勢而不以教同之道

九五同人先號咷而後笑大師克相遇

號力羔反咷道刀反旅卦同

五剛中正二以柔中正相應于下同心者也而為三四所隔不

易道之君子也

得其同然義理所同物不得而間之故有此象然六二柔弱而

澤道之小人也

剛毅自勝不為柔邪所得間之

三四剛強故必用大師以勝之然後得相遇也

號然而後笑者

正應中正其理

蓋勢難即同必

象曰同人之先以中直也大師相遇言相克也

直謂理直。

上九同人于郊无悔

居外无應物莫與同然亦可以无悔故其象占如此郊在野之

不克避人避世

超然无所事

无入之地

内未至于曠遠但荒僻无與同耳。

象曰同人于郊志未得也

三三三 乾下 離上

勢之盛 治之盛

大有元亨

大有所有之大也。離居乾上，火在天上，无所不照。又六五一陰居尊得中，而五陽應之，故為大有。乾健離明，居尊應天，有亨之道。占者有其德，則大善而亨也。

王制書者 四達不悖

彖曰大有，柔得尊位大中，而上下應之，曰大有。

有位 有德 有其施

以卦體釋卦名義，柔謂六五，上下謂五陽。

以休言 天有時而已矣

其德剛健而文明，應乎天而時行，是以元亨。

以卦德卦體釋卦辭，應天指六五也。

象曰：火在天上，大有。君子以遏惡揚善，順天休命。遏于 萬反

火在天上。所照者廣。為大有之象。所有既大。无以治之。則彙集萌于其間矣。天命有善而无惡。故遏惡揚善。所以順天反之于身。亦若是而已矣。

善其始也

終其終也

初九无交害匪咎艱則无咎

有進退之德

有廣大之心

不用于私交

則未應事盛滿

雖當大有之時。然以陽居下。上无繫應。而在事初。未涉乎害者也。何咎之有。然亦必艱以處之。則无咎。戒占者宜如是也。

此釋其初之義。言其能守其初。則無咎。至終不免于艱。言其之咎。

象曰大有初九无交害也

只取初義不兼以陽在下上无係應等意

九二大車以載有攸往无咎

有非他

承上之任

剛中在下得應于上為大車以載之象有所往而如是可以不

咎矣占者必有此德乃應其占也

是後保主之德所望其如之準然德既在我自足以勝任而

象曰大車以載積中不敗也

加詳如獻人告廟后

九三公用亨于天子小人弗克

亨傳如字本義讀作享字

亨春秋傳作享謂朝獻也古者享通之享享獻之享烹飪之享

皆作享字九三居下之上公卿之象剛而得正上有六五之君

虛中下賢故為亨于天子之象占者有其德則其占如是小人

謙辭不足以入告而虛無有于德思

无剛正之德則雖得此爻不能當也

象曰公用亨于天子小人害也

九四匪其彭无咎

彭步即反

彭字音義未詳程傳曰盛貌理或當然六五柔中之君九四以

勢重而禮衰位高而心益下

剛近之有僭偏之嫌然以其處柔也故有不極其盛之象而得

无咎戒占者宜如是也

象曰匪其彭无咎明辨晬也

晬明貌

六五厥孚交如威如吉

大有之世柔順而中以處尊位虛已以應九二之賢而上下歸之。是其孚信之交也。然若道貴剛太柔則廢當以威濟之則吉。故其象占如此亦戒辭也。

象曰厥孚交如信以發志也。

一人之信足以發上下之志也。

威如之吉易而无備也。

易以鼓反

太柔則人將易之而无畏備之心。

上九自天祐之吉无不利。

所行皆順

大有之世以剛居上而能下從六五是能履信思順而尚賢也

滿而不溢故其占如此

吉无不利

象曰大有上吉自天祐也

三三三 艮下坤上

謙亨君子有終

謙者有而不居之義止乎內而順乎外謙之意也山至高而地

心不肆

行不驕

至卑乃屈而止于其下謙之象也占者如是則亨通而有終矣

有終謂先屈而後伸也

即是謙 即是亨通對先屈而後伸

陽氣下降 化育之功 莫德 居後代終 均布之功 莫道

象曰謙亨天道下濟而光明地道卑而上行上時

言謙之必亨。

月說

天道虧盈而益謙地道變盈而流謙鬼神害盈而福謙人道惡盈

承人好說來 德望愈隆 德大過人

而好謙謙尊而光卑而不可踰君子之終也惡鳴路反 好烏報反

授平人之所好矣故 本光者處之以謙則 矣

變謂傾壞流謂聚而歸之人能謙則其居尊者其德愈光其居

卑者人亦莫能過此君子所以有終也

象曰地中有山謙君子以裒多益寡稱物平施裒蒲候反稱尺 証反施始豉反

以卑蘊高謙之象也裒多益寡所以稱物之宜而平其施損高

增卑以趨于平。亦謙之意也。

謙以則

初六謙謙君子用涉大川吉

有能謙之資。又有下人之志。

以柔處下。謙之至也。君子之行也。以此涉難。何往不濟。故占者

如是則利以涉川也。

以行言

以心言

處

象曰謙謙君子卑以自牧也。

六二鳴謙貞吉

有卑遜之資。无足恭之失。

柔順中正以謙有聞正而且吉者也。故其占如此。

六二柔順乎正。正是也。貞實能謙非声音與貌勉稱傷為于外者也。所以鳴謙。

象曰鳴謙貞吉中心得也。

九三勞謙君子有終吉

卦唯一陽居下之上剛而得正正是勞處上下所歸有功勞而能謙尤人

所難故有終而吉占者如是則如其應矣

象曰勞謙君子萬民服也

人其勞而能謙

六四无不利撝謙

撝毀皮反

柔而得正上而能下其占无不利矣然居九三之上故戒以更

安者 礼貌加隆恭敬暴著 儼然 居上

當發揮其謙以示不敢自安之意也

象曰无不利撝謙不違則也

言不爲過

彖傳稱德之利而已設地據積而柔威俯攻不立能謙者其效如此

六五不富以其鄰利用侵伐无不利

夫既謙則不假勢力而天下之人自无不服矣

以柔居尊在上而能謙者也故爲不富而能以其鄰之象蓋從之者衆矣猶有未服者則利以征之而于他事亦无不利人有是德則如其占也

象曰利用侵伐征不服也

上六鳴謙利用行師征邑國

師以人和爲貴

則无克亂之才

則非奉天之討

雖行師亦不

謙極有聞人之所與故可用行師然以其質柔而无位故可以

能昭聖武于天下但

征已之邑國而已

象曰鳴謙志未得也可用行師征邑國也

謙極有備宜先令服然以

陰柔无位才力不足故其志未得而至于行師然亦適足以治

以其才力有不足

其私邑而已

又謙聖其鳴謙此專指其才力為義與不同

三三三坤下
震上

他人為

豫利建侯行師

豫和樂也人心和樂以應其上也九四一陽上下應之其志得

此二句豫之義天下

此二句豫之由

行又以坤遇震為順以動故其卦為豫而其占利以立君用師

也

德優望重而天下之

彖曰豫剛應而志行順以動豫

以卦體卦德釋卦名義

理雖且我順動

豫順以動故天地如之而況建侯行師乎

有利物

以卦德釋卦辭

以理而推二五順布

此天道之豫

以理為須臾弛得宜

此世道之豫

天地以順動故日月不過而四時不忒聖人以順動則刑罰清而

時義順動是也天地聖人不能違之故曰大

民服豫之時義大矣哉

極言之而贊其大也

象曰雷出地奮豫先王以作樂崇德殷薦之上帝以配祖考

雷之

和之用之處

雷出地奮和之至也先王作樂既象其聲又取其義殷盛也

初六鳴豫凶

意謂志滿以誇于人

陰柔小人上有強援得時主事故不勝其豫而以自鳴凶之道

也故其占如此卦之得名本為和樂然卦辭為眾樂之義爻辭除九四與卦同外皆為自樂所以有吉凶之異

象曰初六鳴豫志窮凶也

窮謂滿極

六二介于石不終日貞吉

豫雖主樂然易以溺人溺則反而憂矣卦獨此爻中而得正是上下皆溺于豫而獨能以中正自守其介如石也其德安靜而堅確故其思慮明審不俟終日而見凡事之幾微也大學曰安而后能慮慮而后能得意正如此占者如是則正而吉矣

以貞持以尊

象曰不終日貞吉以中正也

而宜有其占當速悔云云若悔之

六三盱豫悔遲有悔

盱上視也陰不中正而近于四四爲卦主故六三上視于四而

依阿取寵而從欲放度

下。溺。于。豫。宜。有。悔。者。也。故。其。象。如。此。而。其。占。爲。事。當。速。悔。若。悔。之。遲。則。必。有。悔。也。

不中正

象曰：盱豫有悔，位不當也。

君民之以

于心然朋不可以一人係又當往賢勿燕云云

九四由豫大有得，勿疑朋盍簪。

九。四。卦。之。所。由。以。爲。豫。者。也。故。其。象。如。此。而。其。占。爲。大。有。得。然。又。當。至。誠。不。疑。則。朋。類。合。而。從。之。矣。故。又。因。而。戒。之。簪。聚。也。又。速。也。

象曰：由豫大有得，志大行也。

六五貞疾恒不死

瘋

當豫之時以柔居尊沉溺于豫又乘九四之剛衆不附而處勢危故爲貞疾之象然以其得中故又爲恒不死之象卽象而觀

則猶未有大失人心之事爲能據其位

占在其中矣

象植于下勢欲于上

象曰六五貞疾乘剛也恒不死中未亡也

上六冥豫成有渝无咎

據據笑

以陰柔居豫極爲昏冥于豫之象以其動體故又爲其事雖成而能有渝之象戒占者如是則能補過而无咎所以廣遷善之

門也

象曰冥豫在上何可長也

以見其不可不動而終也

三三三 震下兌上

隨元亨利貞无咎

隨從也以卦變言之本自困卦九來居初又自噬嗑九來居五而自未濟來者兼此二變皆剛來隨柔之義以二體言之爲此

皆物隨之義

動而彼說亦隨之義故爲隨已能隨物物來隨已彼此相從其

情自通而事可濟矣

其所以致物之隨者又則无淫朋比德矣

通易矣故其占爲元亨然必利于貞乃爲无咎若所隨不貞則

雖大亨而不免于有咎矣。春秋傳穆姜曰有是四德隨而无咎。我皆无之豈隨也哉。今按四德雖非本義然其下云云深得占法之意。

為空所隨

為其所隨

彖曰隨剛來而下柔動而說隨

下遐嫁反說音悅

以卦變卦德釋卦名義

大為人所隨得變者荷漸進后

大亨貞无咎而天下隨時

之

重什利貞上

王肅本時作之今當從之釋卦辭言能如是則天下之所從也。

震

夫一正而天下隨之是感在一人應在天下矣

隨時之義大矣哉

王肅本時字在之字下今當從之

昏

象曰澤中有雷隨君子以嚮晦入宴息

雷藏澤中隨時休息

主

變

以理言

以事言

初九官有渝貞吉出門交有功

卦以物隨為義爻以隨物為義初九以陽居下為震之主卦之

是主于隨人者

蘇軾太公人心之常體也

然隨亦人所不免者雖有主何傷乎

但隨而主者以爲

所以為隨者也既有所隨則有所偏主而變其常矣惟得其正

矣

无匪人之傷

凡有正人皆在其所隨之中 傳曰雖禁日修

則吉又當出門以交不私其隨則有功也故其象占如此亦因

以戒之

象曰官有渝從正吉也出門交有功不失也

隨道

從所黨

舍所黨從

六二係小子失丈夫

初陽在下而近五陽正應而遠二陰柔不能自守以須正應故

其象如此凶吝可知不假言矣

是巽兩爻理二則必參其勢係

象曰係小子弗兼與也

六三係丈夫失小子隨有求得利居貞

丈夫謂九四小子亦謂初也三近係四而失于初其象與六二

正相反四陽當任而已隨之有求必得然非正應故有不正而

為邪媚之嫌。故其占如此而又戒以居貞也。

小子

象曰係丈夫志舍下也。

舍音捨

而信之辭所及于

九四隨有獲貞凶有孚在道以明何咎

凡已所為无不如意

九四以剛居上之下與五同德故其占隨而有獲然勢陵于五

非有邪心

危疑之連勢必多誤而多則難免疑

不疑

故雖正而凶惟有孚在道而明則上安而下從之可以无咎也

占者當時之任宜審此戒

哲之

象曰隨有獲其義凶也有孚在道明功也

九五孚于嘉吉

陽剛中正下應中正。是信于善也。占者如是其吉宜矣。

象曰：孚于嘉吉，位正中也。

執鵜 更受之詞 束縛

上六拘係之，乃從維之。王用亨于西山。

亨音見大有卦后升卦同

居隨之極，隨之固結而不可解者也。誠意之極，可通神明，故其

不但可以隨人而亦以

占爲王用亨于西山，亦當作祭享之享。自周而言，岐山在西

凡筮祭山川者得之，其誠意如是則吉也。

象曰：拘係之上窮也。

窮極也。

三三 巽下
艮上

蠱元亨利涉大川先甲三日後甲三日

先息薦反
后胡豆反

蠱壞極而有事也其卦艮剛居上巽柔居下上下不交下卑巽
而上苟止故其卦爲蠱或曰剛上柔下謂卦變自賁來者初上
二下自井來者五上上下下自既濟來者兼之亦剛上而柔下皆
所以爲蠱也蠱壞之極亂當復治故其占爲元亨而利涉大川
以治之
甲日之始事之端也先甲三日辛也後甲三日丁也前事過中
而將壞則可自新以爲後事之端而不使至于大壞後事方始

人事可爲之机在是矣

而尚新然更當就其丁寧之意以監其前事之失而不使至于速壞聖人之戒深也

上卦交

庚 肅

彖曰蠱剛上而柔下巽而止蠱

以卦體卦變卦德釋卦名義蓋如此則積弊而至于蠱矣

言蠱可治之机 于治蠱

蠱元亨而天下治也利涉大川往有事也先甲三日後甲三日終則有始天行也

釋卦辭治蠱至于元亨則亂而復治之象也亂之終治之始天運然也

象曰山下有風蠱君子以振民育德

山下有風物壞而有事矣而事莫大于二者乃治已治人之道也。

初六幹父之蠱有子考无咎厲終吉

幹如木之幹枝葉之所附而立者也蠱者前人已壞之緒故諸父皆有父母之象子能幹之則飭治而振起矣初六蠱未深而事易濟故其占爲有子則能治蠱而考得无咎然亦危矣戒占者宜如是又知危而能戒則終吉也

不可以蠱未深而遂以易爲戒之也

傳疏下章

其象 實事而重其未過之地

象曰幹父之蠱意承考也

九二幹母之蠱不可貞

九二剛中上應六五子幹母蠱而得中之象以剛乘柔而治其

則其所幹的不免有過虞處

統轉柔曲得和平之道而不拂君之心斯為善處矣

壞故又戒以不可堅貞言當異以入之也

象曰幹母之蠱得中道也

以公言 以聖言

九三幹父之蠱小有悔无大咎

未免主張太過更張太驟

則處之雖驟而于理則順其達變通而其事則當

過剛不中故小有悔異體得正故无大咎

雖小有悔然異體得正 能與張有道經理有方而豈但无大咎已哉

象曰幹父之蠱終无咎也

六四裕父之蠱往見吝

準因循義舉政而不及教

以陰居陰不能有爲寬裕以治蠱之象也如是則蠱將日深故往則見吝戒占者不可如是也

以治蠱能治事

象曰裕父之蠱往未得也

六五幹父之蠱用譽

柔中居尊而九二承之以德以此幹蠱可致聞譽故其象占如此

九二

故功在九二而名歸六五也

象曰幹父用譽承以德也

上九不事王侯高尚其事

剛陽居上在事之外故為此象而占與戒皆在其中矣

其之高為天下居世

象曰不事王侯志可則也

三三兌下
坤上

陰道大行

陽消

臨元亨利貞至于八月有凶

臨進而凌逼于物也二陽浸長以逼于陰故為臨十二月之卦也又其為卦下兌說上坤順九二以剛居中上應六五故占者大亨而利于正然至于八月當有凶也八月謂自復卦一陽之

月至于遯卦二陰之月陰長陽遯之時也。或曰八月謂夏正八月于卦為觀亦臨之反對也。又因占而戒之。

彖曰臨剛浸而長。長丁又反

以卦體釋卦名

存善施為當可二有之德又得同心之說而順剛中而應。說音悅

又以卦德卦體言卦之善

大亨以正天之道也

當剛長之時。又有此善。故其占如此也。

是陽之只在數言之間

至于八月有凶消不久也

言雖天運之當然君子宜知所戒

民之意 言其深二字一又 言其廣

象曰澤上有地臨君子以教思无窮容保民无疆思去聲

地臨于澤上臨下也二者皆臨下之事教之无窮者兌也容之

无疆者坤也

象小人為所交迫

初九咸臨貞吉

卦唯二陽徧臨四陰故二爻皆有咸臨之象初九剛而得正故

其占為貞吉即此辭元亨上義

非不能容小人也其欲 達于天下故恐小人害之而不得不以威臨主之

象曰咸臨貞吉志行正也

則得中二句入在此處

九二咸臨吉无不利

陽之有其道 陽之有其德

能服小人使彼此无間可乘 吾道大行建功立業何施不可

剛得中而勢上進故其占吉而无不利也

小人除害正氣動其性

象曰咸臨吉无不利未順命也

言不妄不妄也

未詳

美法 正言其咎也

六三甘臨无攸利既憂之无咎

不知教養之道之大而務為小惠以干百變之春

陰柔不中正而居下之上為以甘說臨人之象其占固无所利

其小惠于譽之者即得臨人之大過

然能憂而改之則无咎也勉人遷善為教深矣

說天經

可參

象曰其臨位不當也既憂之咎不長也

切親

六四至臨无咎

處得其位下應初九相臨之至宜无咎者也

情急憂切至不以分拘不以邪間

柔正

象曰至臨无咎位當也

六五知臨大君之宜吉

知悉正未嘗之先務

執簡御煩得致理之要道

君不勞

以柔居中下應九二不自用而任人乃知之事而大君之宜吉

而天下治

之道也

象曰大君之宜行中之謂也

上六敦臨吉无咎

辛臨民說

居卦之上處臨之終敦厚於臨吉而无咎之道也故其象占如

此

由其天下國家

象曰敦臨之吉志在内也

三三三 坤下 巽上

一連說

觀盥而不薦有孚顒若

觀官喚反下大觀以觀之觀大彖觀字並同

觀者有以中正示人而爲人所仰也九五居上四陰仰之又内

觀之德

觀之通

順外巽而九五以中正示天下所以爲觀盥將祭而潔手也薦

奉酒食以祭也。顯然尊敬之貌。言致其潔清而不輕自用。則其

實德

屬上人說

孚信在中而顯然可仰。戒占者當如是也。或曰有孚。願若謂在下之人信而仰之也。此卦四陰長而二陽消。正爲八月之卦。而

名卦繫辭。更取他義。亦扶陽抑陰之意。

位

德

建中泰正于

彖曰。大觀在上。順而巽。中正以觀天下。

以卦體卦德釋卦名義。

觀。盥而不薦。有孚。願若下。觀而化也。

觀如字。下觀天。大象觀。民之觀六爻。觀字並同。

釋卦辭

无庸元典

此觀之但見

中正示人不偏當色

從其教

觀天之神道而四時不忒聖人以神道設教而天下服矣

極言觀之道也四時不忒天之所以為觀也神道設教聖人之

所以為觀也

以 後因民德以 使同歸中正之道

象曰風行地上觀先王以省方觀民設教

省悉 井反

省方以觀民設教以為觀

言不足費也與他无咎不同

初六童觀小人无咎君子吝

君子小人以位言

卦以觀示為義據九五為主也爻以觀瞻為義皆觀乎九五也

此是見識之見不以目同

初六陰柔在下不能遠見童觀之象小人之道君子之羞也故

其占在小人則无咎君子得之則可羞矣

乃才德不足不由見知于君也

其占在小人則无咎君子得之則可羞矣

在下之帝

象曰初六童觀小人道也

非君子所寔也

六二闕觀利女貞

陰柔居內而觀乎外闕觀之象女子之正也故其占如此丈夫得之則非所利矣

象曰闕觀女貞亦可醜也

在丈夫則爲醜也

六三觀我生進退

我生我之所行也六三居下之上可進可退故不觀九五而獨觀已所行之通塞以為進退占者宜自審也

進退之

象曰觀我生進退未失道也

可進則進進非干時可退則退退非忘世

占者慎此 作

六四觀國之光利用賓于王

家以觀國之光

六四最近於五故有此象其占為利於朝觀仕進也

已仕 未仕

其 礼而用賓

象曰觀國之光尚賓也

九五觀我生君子无咎

九五陽剛中正以居尊位其下四陰仰而觀之君子之象也故

此以健象屬行政上說

九五之君子

戒居此位。得此占者。當觀已所行。必其陽剛中正。亦如是焉。則得无咎也。

象曰觀我生觀民也

此夫子以義言之。明人君觀已所行。不但一身之得失。又當觀民德之善否。以自省察也。

上九觀其生君子无咎

上九陽剛居尊位之上。雖不當事任。而亦為下所觀。故其戒辭

自言曰我從別人指我曰其後云

畧與五同。但以我為其小有主賓之異耳。

象曰觀其生志未平也

志未平言雖不得位未可忘戒懼也

三三三 震下

離上 然簡陽者天下之大害欲除去之非刑不可

噬嗑亨利用獄

噬齧也。嗑合也。物有間者齧而合之也。爲卦上下兩陽而中虛。頤口之象。九四一陽間於其中。必齧之而後合。故爲噬嗑。其占當得亨通者有間。故不通齧之而合則亨通矣。又三陰三陽剛柔中。半下動上明。下雷上電。本自益卦六四之柔。上行以至於

五。而。得。其。中。是。知。以。陰。居。陽。雖。不。當。位。而。利。用。獄。蓋。治。獄。之。道。惟。威。與。明。而。得。其。中。之。為。貴。故。噬。得。之。者。有。其。德。則。應。其。占。也。

彖曰。頤中有物曰噬嗑。

以卦體釋卦名義。

以卦名什義

此下什利用獄

然威明之用非特卦體然也

然得中之非特卦體然也

此只解帶去

噬嗑而亨。剛柔分。動而明。雷電合而章。柔得中而士行。雖不當位。

利用獄也。

上時上行。亨。是從來來猶云上行而得也。不以權得者。掌反。

以卦名卦體卦德二象卦變釋卦辭。

照 辰

象曰。雷電噬嗑。先王以明罰敕法。

雷電當作電雷

初九履校滅趾无咎

校音教

初上无位爲受刑之象中四又爲用刑之象初在卦始罪薄過小又在卦下故爲履校滅趾之象止惡于初故得无咎占者小傷而无咎也

象曰履校滅趾不行也

滅趾又有不進于惡之象

六二噬膚滅鼻无咎

祭有膚鼎蓋肉之柔脆噬而易嗑者六二中正故其所治如噬

則威嚴不足

又過強暴之徒

膚之易然以柔乘剛故雖甚易亦不免于傷滅其鼻占者雖傷

今小

必自服

而終无咎也

立德不足以服人義以柔

是過強便難化之人非重刑不足以治之故也

象曰噬膚滅鼻乘剛也

六三噬腊肉遇毒小吝无咎

腊音昔

腊肉謂獸腊全體骨而爲之者堅韌之物也陰柔不中正治人

宜治其罪不必十分本重而犯法之民久自體服

而人不服爲噬腊遇毒之象占雖小吝然時當噬嗑于義爲无

咎也

象曰遇毒位不當也

九四噬乾肺得金矢利艱貞吉

乾音干肺美緇反

肺肉之帶骨者與截通周禮獄訟入鈞金束矢而後聽之九四
以剛居柔得用刑之道故有此象言所噬愈堅而得聽訟之宜
復至
也然必利于艱難正固則吉戒占者宜如是也

象曰利艱貞吉未光也

六五噬乾肉得黃金貞厲无咎

噬乾肉難于膚而易于腊肺者也黃中色金亦謂鈞金六五柔

順而中以居尊位用刑于人人无不服故有此象然必貞厲乃
得无咎亦戒占者之辭

用刑其

象曰貞厲无咎得當也

上九何校滅耳凶

何荷可反

何負也過極之陽在卦之上惡極罪大凶之道也故其象占如此

象曰何校滅耳聰不明也

滅耳蓋罪其聽之不聰也若能審聽而早圖之則无此凶矣

三三三 艮上 離下

賁亨 小利有攸往 賁彼 偽反

賁飾也。卦自損來者。柔自三來而文二。剛自二生而文三。自既

濟而來者。柔自上來而文五。剛自五生而文上。又內離而外艮。

禮相接

分相守

順為主文為輔

有文明而各得其分之象。故為賁。占者以其柔來文剛。陽得陰。

且達乎事理即以化成天下可也 文為主質為輔

且

執而不通不通行之一事一時

助而離明于內。故為亨。以其剛主文柔而畏止于外。故小利有

而止也

攸往。

彖曰賁亨

亨字疑衍

柔來而文剛故亨分剛上而文柔故小利有攸往天文也

上時
享反

以卦變釋卦辭剛柔之交自然之象故曰天文先儒說天文上

當有剛柔交錯四字理或然也

此句且在卦體上釋

文明以止人文也

又以卦德言之止謂各得其分

易之就奇

易之就奇

觀乎天文以察時變觀乎人文以化成天下

極言貴道之大也

象曰山下有火賁君子以明庶政无敢折獄

山下有火明不及遠明庶政事之小者折獄事之大者內離明而外艮止故取象如此

下句申上句象中之象也

初九賁其趾舍車而徒

舍音捨

有定守 有定竟

故能寧富貴而不憂于貧賤而不去

剛德明體自賁于下爲舍非道之車而安于徒步之象占者自處當如是也

象曰舍車而徒義弗乘也

君子之取舍決于義而已

六二、賁其須

二以陰柔居中正三以陽剛而得正中正同德心志相孚變相稱皆无應與故二附三而動

有賁須之象占者宜從上之陽剛而動也

象曰賁其須與上興也三動

九三、賁如濡如永貞吉

一陽居二陰之間得其賁而潤澤者也二陽得之履後而已得以優將順道然不可溺于所安故有

永貞之戒擇為所溺則既得陰助不失要之守故吉

象曰永貞之吉終莫之陵也二陰能得

此无莫之象 狀四求初之切 此何原三求助之心

六四賁如皤如白馬翰如匪寇婚媾皤白 波反

皤白也馬人所乘人白則馬亦白矣四與初相賁者乃為九三

則相濟之美无由以見 所賁者 明不成其實也 乎初 切而遂

所隔而不得遂故皤如而其往求之心如飛翰之疾也然九三

其如初之自守何哉

剛正非為寇者也乃求婚媾耳故其象如此

居

象曰六四當位疑也匪寇婚媾終无尤也

遠于初宜若可間近于三宜若可求

當位疑謂所當之位可疑也終无尤謂若守正而不與亦无他

患也

六五賁于丘園束帛戔戔吝終吉義在干反 又音賤

六五柔中爲賁之主。敦本尚實得賁之道。故有丘園之象。然陰性吝賁。故有束帛戔戔之象。束帛薄物。戔戔淺小之意。人而如此。雖可羞吝。然禮奢寧儉。故得終吉。

象曰六五之吉有喜也

以无文爲原 文勝於質之

上九白賁无咎

賁極反本復于无色。善補過矣。故其象占如此。

居卦之 值賁之極而能返于質敦時之志遠矣

象曰白賁无咎上得志也

剝不利有攸往

剝落也。五陰在下而方生一陽在上而將盡。陰盛長而陽消落。九月之卦也。陰盛陽衰。小人壯而君子病。又內坤而外艮。有順時而止之象。故占得之者不可有所往也。

象曰剝剝也柔變剛也

以卦體釋卦名義言柔進于陽變剛為柔也。

不利有攸往。小人長也。順而止之。觀象也。君子尚消息盈虛。天行

也。長丁也。丈反

且卦德有時

象章

平非 望上 不備 剝陰長能行志 乾乾利萬方

時當止

以卦體卦德釋卦辭

生其德也

象曰山附于地剝上以厚下安宅

初六剝牀以足蔑貞凶

剝自下起滅正則凶故其占如此蔑滅也

變之要切身

象曰剝牀以足以滅下也

六二剝牀以辨蔑貞凶

辨牀幹也進而上矣

象曰剝牀以辨未有與也

言未大盛

幸之也亦警君子及時急避而免禍也

從邪害正之

六三剝之无咎

衆陰方剝陽而已獨應之去其黨而從正无咎之道也占者如是則得无咎

象曰剝之无咎失上下也

上下謂四陰

六四剝牀以膚凶

陰禍切身故不復言蔑貞而直言凶也

象曰剝牀以膚切近災也

穿

所命于陽之象

六五貫魚以宮人寵无不利

魚陰物宮人陰之美而受制于陽者也五爲衆陰之長當率其

事權一歸其羣握國事一惟其謀居此小人之福也

類受制于陽故有此象而占者如是則无不利也

竟邪害正之

象曰以宮人寵終无尤也

大

能復生 上句占中之象

上九碩果不食君子得輿小人剝廬

一陽在上剝未盡而能復生君子在上則爲衆陰所載小人居

之則剝極于上自失所覆而无復碩果得輿之象矣取象旣明

而君子小人其占不同聖人之情益可見矣

五陰

自其能

象曰君子得輿民所載也小人剝廬終不可用也

三三三三 震下
三三三三 坤上

已上

衆陰

此計陽復之終然以見時至必亨

則亨又不假言矣

復亨出入无疾朋來无咎反復其道七日來復利有攸往

反復之復芳福

反又作
覆衆同

復陽復生于下也剝盡則爲純坤十月之卦而陽氣已生于下

矣積之踰月然後一陽之體始成而來復故十有一月其卦爲

復以其陽既往而復反故有亨道又內震外坤有陽動于下而

此二句其意處

以順上行之象。故其占又爲已之出入。旣得无疾。朋類之來。亦得无咎。又自五月姤卦一陰始生。至此七爻而一陽來復。乃天運之自然。故其占又爲反復其道。至于七日當得來復。又以剛德方長。故其占又爲利有攸往也。反復其道。往而復來。來而復往之意。七日者。所占來復之期也。

彖曰復亨剛反

剛反則亨

猶云順理而動也

動而以順行是以出入无疾朋來无咎

以卦德而言

反復其道七日來復天行也

陰陽消息天運然也

利有攸往剛長也

長丁丈反

以卦體而言既生則漸長矣

之于萬物不忍終息

復其見天地之心乎

積陰之下一陽復生天地生物之心幾于滅息而至此乃復可

陽復之日見得天

地之心綿綿延延有間即續元北息處

見在人則為靜極而動惡極而善本心幾息而復見之端也程

子論之詳矣而邵子之詩亦曰冬至子之半天心无改移一陽
初動處萬物未生時玄酒味方淡太音聲正希此言如不信更
請問庖犧至哉言也學者宜盡心焉

此二句承閉關繫特以至日言

象曰雷在地中復先王以至日閉關商旅不行后不省方

此非正解

安。靜。以。養。微。陽。也。月。令。是。月。齋。戒。掩。身。以。待。陰。陽。之。所。定。

二句連講

初九不遠復无祇悔元吉

一陽復生于下復之主也。祇抵也。又居事初失之未遠能復于
善不抵于悔。大善而吉之道也。故其象占如此。

道心為主則神聽言動自然無咎

象曰不遠之復以脩身也

六二休復吉

柔順中正初九近于初九而能下之復之休美吉之道也

象曰休復之吉以下仁也

六三頻復厲无咎

行不純

性又躁

以陰居陽不中不正又處動極復而不固屢失屢復之象屢失

故危復則无咎故其占又如此

象曰頻復之厲義无咎也

六四中行獨復

衆

能

主善

四處群陰之中而獨與初應爲與衆俱行而獨能從善之象當此之時陽氣甚微未足以有爲故不言吉然理所當然吉凶非所論也董子曰仁人者正其誼不謀其利明其道不計其功于剝之六三及此爻見之

初九有

象曰中行獨復以從道也

以成德言

六五敦復无悔

輕從

以中順居尊而當復之時敦復之象无悔之道也

德本在義而能底于

象曰敦復无悔中以自考也

考成也

天以

而辱及

離

亦

上六迷復凶有災貴用行師終有大敗以其國君凶至于十年不

克征以雪其耻也

以陰柔居復終終迷不復之象凶之道也故其占如此以猶及也

上有敦復之君而此獨迷于復

象曰迷復之凶反君道也

三三震下
三三乾上

行无不得

此下三句是正一反

无妄元亨利貞其匪正有眚不利有攸往

无妄實理自然之謂史記作无望謂无所期望而有得焉者其
義亦通爲卦自訟而變九自二來而居于初又爲震主動而不
妄者也故爲无妄又二體震動而乾健九五剛中而應六二故
其占大亨而利于正若其不正則有眚而不利有所往也

所存者正而无妄

所行者正而无妄

所與者正而无妄

重

彖曰无妄剛自外來而爲主于內動而健剛中而應大亨以正天
之命也其匪正有眚不利有攸往无妄之往何之矣天命不祐行

而不以正欲

蓋正爲天命不正則逆天之命

其能

矣哉

以卦變卦德卦體言卦之善如此。故其占當獲大亨而利于正。乃天命之當然也。其有不正。則不利有所往。欲往何哉。蓋其逆天之命。而天不祐之。故不可以有行也。

象曰天下雷行。物與无妄。先王以茂對時育萬物。其以無人

天下雷行。震動發生。萬物各正其性命。是物物而與之以无妄也。先王法此。以對時育物。因其所性而不爲私焉。

初九无妄往吉

以剛在内。誠之主也。如是而往。其吉可知。故其象占如此。

象曰无妄之往得志也

開田畝

六二不耕穫不菑畲則利有攸往菑側其反
畲音餘

柔順中正因時順理而无私意期望之心故有不耕穫不菑畲

此為字作去声

之象言其无所為于前无所冀于後也占者如是則利有所往

矣

當利字者

象曰不耕穫未富也

姑順理事以終之

富如非富天下之富言非計其利而為之也

德信而誇與道高而毀來雖有尤故之加非其罪也

六三无妄之災或繫之牛行人之得邑人之災

卦之六爻皆无妄者也。六三處不得正。故遇其占者无故而有

災。如行人牽牛以去而居者反遭詰捕之擾也。

象曰：行人得牛，邑人災也。

九四可貞无咎。

陽剛乾體下无應與。可固守而无咎。不可以有爲之占也。

象曰：可貞无咎，固有之也。

有猶守也。

九五无妄之疾，勿藥有喜。

乾剛中正以居尊位而下應亦中正无咎之至也

如是而有疾

乾剛中正以居尊位而下應亦中正无咎之至也如是而有疾

治之以不治藥以藥之而自平矣

勿藥而自愈矣故其象占如此

象曰无妄之藥不可試也

既已无妄而復藥之則反為妄而生疾矣試謂少嘗之也

上九无妄行有眚无攸利

醫藥不通聖者自全信

上九非有妄也但以其窮極而不可行耳故其象占如此

執二不度即有眚无攸利

象曰无妄之行窮之災也

此下卦不在止上說以漸進言

大畜利貞不家食吉利涉大川

大陽也以艮畜乾又畜之大者也又以內乾剛健外艮篤實輝
光是以能日新其德而爲畜之大也以卦變言此卦自需而來
九自五而上以卦體言六五尊而尚之以卦德言又能止健皆
非大正不能故其占爲利貞而不家食吉也又六五下應于乾
爲應乎天故其占又爲利涉大川也不家食謂食祿于朝不食
于家也

此復其純 其中自有

重內外交養

象曰大畜剛健篤實輝光日新其德

以卦德釋卦名義

剛上而尚賢能止健大正也

以卦變卦體卦德釋卦辭

六五尊尚上九之象

不家食吉養賢也

亦取尚賢之象

六五下應乎乾是而時行

利涉大川應乎天也

亦以卦體而言

象曰天在山中大畜君子以多識前言往行以畜其德

識如字又音志行

孟反

天在山中不必實有是事但以其象言之耳

初九有厲利已已矣止反

內卦受貞自止為義外卦能貞以止之為義

乾之三陽為艮所止故內外之卦各取其義初九為六四所止

君權臣

故其占往則有危而利于止也

火人備之

象曰有厲利已不犯災也

九二與說輟說吐活反輟音服又音福

相持度難

九二亦為六五所畜以其處中故能自止而不進有此象也

象曰輿說輟中无尤也

故能止噪進之

損三 尤而進

以致慎重之道 益修其進用之資

九三良馬逐利艱貞曰閑輿衛利有攸往

日讀 為日

三以陽居健極上以陽居畜極極而通之時也又皆陽爻故不

相畜而俱進有良馬逐之象焉然過剛銳進故其占必戒以艱

節 有牙

舉上三句說象

貞閑習乃利于有往也曰當為日月之日

九與三 上進之

象曰利有攸往上下志也

六四童牛之牯元吉

牯古 毒反

童者未角之稱牯施橫木于牛角以防其觸詩所謂輻衡者也

不勞于禁而正不華刑誅

止。之。于。未。角。之。時。為。力。則。易。大。善。之。吉。也。故。其。象。占。如。此。學。記

曰。禁。于。未。發。之。謂。豫。正。此。意。也。

以心言

象曰六四元吉有喜也

牙雖存而不為害

六五豮豕之牙吉

豮符云反

陽已進而止之。不若初之易矣。然以柔居中而當尊位。是以得

有善制之道

有制之勢

不向刑威

而勝於以數其本源

其機會而可制。故其象如此。占雖吉而不言元也。

天下之福

象曰六五之吉有慶也

上九何天之衢亨

何天之衢言何其通達之甚也。指爲高者畜極而通豁達无礙故其象占

如此

象曰何天之衢道大行也。王

三三震下
艮上

養德

養身

頤貞吉觀頤自求口實

頤口旁也。口食物以自養故爲養義爲卦上下二陽内含四陰。
外實內虛。上止下動爲頤之象。養之義也。貞吉者占者得正則
吉。觀頤謂觀其所養之道。自求口實謂觀其所以養身之術。皆

得正則吉也。

不正則不得吉可知矣

以德者必得正而後吉

所以

彖曰：願貞吉。養正則吉也。觀願觀其所養也。自求口實，觀其自養也。
音亦得正而後吉

釋卦辭

四時五行分其氣

公卿百執事分其職

天地養萬物，聖人養賢以及萬民，願之時大矣哉。

極言養道而贊之

雷以動之亦養物之一端

象曰：山下有雷，願。君子以慎言語，節飲食。

二者養德養身之切務

初 道德 四 利達

初九舍爾靈龜觀我朵頤凶

舍音捨

靈龜不食之物朵垂也朵頤欲食之貌初九陽剛在下足以不

待于外

食乃上應六四之陰而動于欲凶之道也故其象占如此

陽剛自守本為養貴以其失守故

象曰觀我朵頤亦不足貴也

守有不可

勢有不能

六二頤頤拂經于丘頤征凶

以上養上理之常也是不能自養而甘心于卑下之人 應而原求斯可得

非正應而徒趨附權要

求養于初則頤倒而違于常理求養于上則往而得凶丘土之

高者上之象也

岐文詞言

往求

象曰六二征凶行失類也

初上皆非其類也

此以下其言其凶也

六三拂頤貞凶十年勿用无攸利

彖

邪僻

縱欲敗度

其所養皆大理之所有人情之所不能无

陰柔不中正以處動極拂于頤矣既拂于頤雖正亦凶故其象

占如此

養 卽拂頤之意

象曰十年勿用道大悖也

然任實之道不可苟也又必

六四顛頤吉虎視眈眈其欲逐逐无咎

才不能養人

有下人之德

下 而九剛之賢

養其上下之需 養之所及者

柔居上而得正所應又正而賴其養以施于下故雖顛而吉虎

廣矣

賢

賢

視眈眈下而專也其欲逐逐求而繼也又能如是則无咎矣

四 初之惠即我之惠必惠自己出另稱允哉

象曰顛願之吉上施光也

施始鼓反

六五拂經居貞吉不可涉大川

六五陰柔不正居尊位而不能養人反賴上九之養故其象占

如此

柔

九

象曰居貞之吉順以從上也

戒之也

詩之也

上九由頤厲吉利涉大川

六五賴上九之養以養人是物由上九以養也位高任重故厲

不可以易處之

而吉陽剛在上故利涉川

象曰由頤厲吉大有慶也

三三 巽下兌上

大過棟橈利有攸往亨

棟乃教反

際非常之時而有非常之事

才弱

大過之任

大陽也四陽居中過盛故為大過上下二陰不勝其重故有棟

橈之象又以四陽雖過而二五得中內巽外說有可行之道故

二句以德信

橈說反正持危定鎮

利有所往而得亨也

彖曰大過大者過也

以卦體釋卦名義

棟撓本末弱也

復以卦體釋卦辭本謂初末謂上弱謂陰柔

變殺 人裁之以

剛過而中巽而說行利有攸往乃亨說音悅

又以卦體卦德釋卦辭

大過之時大矣哉

才賁剛中德兼虛說

大過之時非有大過人之材不能濟也故嘆其大

蓋難哉其言之矣

不求同俗求同理 不求人知求天知

象曰澤滅木大過君子以獨立不懼遯世无悶

見得真正得是大過齊人據守人

澤滅于木大過之象也不懼无悶大過之行也

初六藉用白茅无咎

藉在夜反

此句輕

固能慎 尤能慎 本必万全謀无輕發

當大過之時以陰柔居巽下過于畏慎而无咎者也故其象占

如此白茅物之潔者

陰 居巽

象曰藉用白茅柔在下也

二象一意

柔克濟

九二枯楊生稊老夫得其女妻无不利

稊徒 稽

不免英然驚事

柔順可以濟之

陽過之始而此初陰故其象占如此稊根也榮于下者也榮于

下則生于上矣夫雖老而取女妻猶能成生育之功也

陽之始而得初陰

象曰老夫女妻過以相與也

九三棟撓凶

三四二爻居卦之中棟之象也九三以剛居剛不勝其重故象撓而占凶

以剛居剛过于自用變有凶議而不入

象曰棟撓之凶不可以有輔也

九四棟隆吉有它吝

文武並用

以陽居陰過而不過故其象隆而占吉然下應初六以柔濟之

以剛柔相濟之而更

則過于柔矣故又戒以有它則吝也

四本剛柔相濟故能勝重任至欺

象曰棟隆之吉不撓乎下也

群情之亦感事之

九五枯楊生華老婦得其士夫无咎无譽

則慢于自用

則失于委靡

九五陽過之極又比過極之陰故其象占皆與二反

象曰枯楊生華何可久也老婦士夫亦可醜也

其事其理

上六過涉滅頂凶无咎

處過極之地才弱不足以濟然于義為无咎矣蓋殺身成仁之

事故其象占如此

大節无虧中心无愧

象曰過涉之凶不可咎也

三三三 坎下 坎上

實者義命之心則心不為陰所累出陰之所

習坎有孚維心亨行有尚

習重習也坎險陷也其象為水陽陷陰中外虛而中實也此卦

卦体二五

孚亨之心則經綸之術由是定

上下皆坎是為重險中實為有孚心亨之象以是而行必有功

而生精詳之度虛明而出何來故之難數糾紛之難平

矣故其占如此

在人事則來故義行居於事者也

象曰習坎重險也

重直龍反

釋卦名義

且水之不盈其性常如此

水流而不盈行險而不失其信

以卦象釋有孚之義言內實而行有常也

中實爲至則自无不容 以寧而

維心亨乃以剛中也行有尚往有功也

卦五

以剛在中心孚之象如是而往必有功也

天子饋 紀綱漢城池田氏

天險不可升也地險山川丘陵也王公設險以守其國險之時用

大矣哉

極言之而贊其大也

象曰水洊至習坎君子以常德行習教事洊在薦反 行下孟反

治已治人皆必重習然後熟而安之

初六習坎入于坎窞凶窞徒坎 感二反

以險柔居柔居險才變柔重險之下其陷益深故其象占如此

出險以陽剛為道

象曰習坎入坎失道凶也

九二坎有險求小得

處重險之中時未能自出故為有險之象然剛而得中故其占可

所謂守心守者

以求小得也

二剛中而僅有特剛需其

象曰求小得未出中也

往 前 後

六三來之坎坎險且枕入于坎窞勿用枕針 甚反

无才 无德 艱難 子能

柔道

以陰柔不中正而履重險之間來往皆險前險而後枕其陷益

深不可用也。故其象占如此。枕倚着未安之意。

出險之

象曰來之坎坎終无功也。

出險

坎險

困而通敵

君臣相得艱難可濟其責矣

六四樽酒簋二用缶納約自牖終无咎。正方有反

晁氏云先儒謂樽酒簋爲一句貳用缶爲一句今從之貳益之

也周禮大祭三貳弟子職左執虛豆右執挾七周旋而貳是也

有君臣之分

君臣之分各守其天

九五尊位六四近之在險之時剛柔相際故有但用薄禮益以

誠心進結自牖之象牖非所由之正而室之所以受明也始雖

艱阻終得无咎故其占如此

象曰樽酒簋二剛柔際也

晁氏曰陸氏釋文本无貳字今從之

九五坎下盈祇既平无咎

九五雖在坎中然以陽剛中正居尊位而時亦將出矣故其象占如此

象曰坎不盈中未大也

雖

有中德而未大

能成

功乎天下也然其德之病故時之艱爲之耳

上六繫用徽纆寘于叢棘三歲不得凶

以陰柔居險故其象占如此

陽剛之

象曰上六失道凶三歲也

三三 離下
離上

離利貞亨畜牝牛吉

畜許
六反

離麗也陰麗于陽其象為火體陰而用陽也物之所麗貴乎得

柔順

正牝牛柔順之物也故占者能正則亨而畜牝牛則吉也

君臣皆以德而

位

彖曰離麗也日月麗乎天百穀草木麗乎土重明以麗乎正乃化

成天下

釋卦名義

六二 不流隨惟中正 惟柔也

柔麗乎中正故亨是以畜牝牛吉也

以卦體釋卦辭

循象不已

日新

象曰明兩作離大人以繼明照于四方

作起也

不急進

初九履錯然敬之无咎

錯十各反

是新進意事也

于天下事觀欲審其首而不自知其平也

以剛居下而處明體志欲上進故有履錯然之象敬之則无咎

矣戒占者宜如是也

雖欲收功自然之理也

象曰履錯之敬以辟咎也。辟音避

六二黃離元吉

黃中色柔麗乎中而得其止故其象占如此。有從從相屬之美而不為離

象曰黃離元吉得中道也

彖

九三日昃之離不鼓缶而歌則大耋之嗟凶

盛極將衰

當此之時人力所當自盡者固不容緩而時事之无可奈何者亦不

可待若重離之間前明將盡故有日昃之象不安常以自樂則不能自

處而凶矣戒占者宜如是也

則則不為而矣

象曰日昃之離何可久也

更張本錄意述无漸

九四突如其來如焚如死如棄如

當更張之初謂易象以辰辰見

後明將繼之時而九四以剛迫之故其象如此

于天機間

象曰突如其來如无所容也

无所容言焚死棄也

六五出涕沱若戚嗟若吉

沱徒河反

以陰居尊柔麗乎中然不得其正而迫于上下之陽故憂懼如

此然後得吉戒占者宜如是也

此言戒慎之意也

象曰六五之吉離王公也

離音

剛明以 可之功也

上九王用出征有嘉折首獲匪其醜无咎

德 剛之遠 明之遠 不結象實

剛明及遠威震而刑不濫无咎之道也故其象占如此

所 非難用兵

象曰王用出征以正邦也

周易疏義卷之一終

周易疏義 卷一

甫